«Путник» — автобиографическое сочинение святителя Иоанна (Максимовича)

(Л. 89) От городков Строгана честна господина, В двадцять седмый отплых, як обедня годына Приспе, воздавши Саве благодарение, От его человека Савы вземши даяние. Достойно^а и праведно о нем возгласити, Бога и Его милость везде прославити. Благословен Григорий господин Строганов, В время наше явися, славный Авраамов. Буды благословен Бог, его даровавый, Людем в странноприемство и милость избравый. (Л. 89 об.) Везде бо его имя славят, величают, По многих обытелех молят, восхваляют. Иных не исчисляю, преславну обытель Воспомяну и реку, колик он любытель, Единою посети и даде преславно. Нинешних времен, прежных не было се давно, Едва кто обретеся сице податливый, Пречестную обытель сице возлюбивый, Пребывает, пребудет имя его в роды, В обытели Печерской даст ему Бог плоды. Во тридесят, шестьдесят и во сто умножит, В неищетния лета даст здраво ему жить. О сем ныне и всегда аз молитствую, За приятие от Савы зде благодарствую.

[®] Жуков А. Е., 2012.— Подготовка текста к публикации, комментарии, дополнения. Продолжение. Начало см.: «Вестник церковной истории». № 1/2(25/26). 2012. С. 5–115.

^а Буква «о» в слове исправлена из буквы «ы».

ПУБЛИКАЦИИ

Явы бо ся помощник в сем моем странствии, По милости господской есмь в благодарствии. Не токмо в дом мя прият, но на путь водна Подаде, Ты даруй, Боже, горня, дольня, Во правду бо избранный строитель есть Сава, Разширается везде Строганова слава. Но и ныне нелет есть благих умолчати, Долженствую пред всеми всегда возвещати. Известен бо есть Сава своего^а господына, Милости к всем и любвы прещедра едына. Имеющи от него, мню, повеление, Странствующим являет всем угощение. (Л. 90) Довольно мя приемши во господском дому, Путешествующим твори⁶, яко мне самому. О сем благодаряще выжей прежде мало рехом, На похвалу Строгана прочим возвестихом. Да чтуще и слышаще господина славят И Саву, приставника добра, благословят. Отпустивши мя з дому з обыльным довольством, Воздаждь господину и премногим богатством. Не доволен, за любовь до нас в судно прийде, Немедленно на свое паки дело зыйде. Посла пред нами многи скудны рыболовы, Повеление его творити готовы. Пред нашими очима сеты вовергаху, Лени и ины рыби везде извлекаху. Нам, ничтоже сведущим, ни вопрошающим: «Кому рибы ловлят», но купити хотящим. Егда начат к вечеру день прекланятися, Рыболовы начаша к нам приблыжатися, В судне рыбу носяще, кудно со водою, Спросихом: «Что хощете, или свободою До нас приплываете?» Согласно все реша: «Присылает вам Сава, — словеса их беща, — Сава в надежду своего господина Велит рибы ловыти для духовна чина. Повеле нам и веле вам странным подати Туне, и от вас денег нимало взымати». (Л. 90 об.) Аще же им даяхом, они не прияша, Добро слово приемши, вси благодариша. Болей в гору пловуще, узрехом сына, Ивана Савича. Все между собою рехом:

^а Исправлено, в рукописи: свого.

⁶ Слово написано над строкой.

«Благословен Строганов, добраго имеет Правящаго Саву, дом господский успеет, Во всем преумножится, будет изобылен, Во премногие лета явится исполнен. Ибо страннолюбыя кто не забывает, Невидымо Господь вся тем умножает. Дающаго рука никогда оскудеет, Сторицею Бог воздаст, небом печатлеет». Но еще Иванович Сава нам приложи, Григория Строгана славу преумножи На празник апостолов Петра свята Павъла¹. Петра каменя Христос нарек, Павла — Савла. Чрез сына уготова Ивановичь Сава, Богу и господину и буди везде слава. Пред селом нас стретоша честно з даянием, Такожде и священнык со приношением, Извествующе, яко приспе время Литургии, рекущи: «Аще сие бремя Изволите странны со нами носити». Радости исполнившися, начахом просити. Да маленько подождут, путь бо неудобний, Скоро иты по водам весма несвободный. (Л. 91) Река Часовая скоро зело, быстро течет, Кто на ней побывал, сам истинно се речет. Благодарим Бога, нас сподобывшаго Литурги слушати и путь управльшаго. Стретохом сына Савы, млада Иоанна, Между собою рехом: «От Бога поданна. Як отец, таков сын, оба господину Вернии служители, як Богу едину. Сотвори нам усердно свое служение, Боже, пошли всем обще благ умножение». Устрои иерея з литургию ждати, К водну пути человека даде провождати. Не токмо мне и певчим даде толста юнца, При нем три чиненнии утученна агнца. А иных подаяний не воспоминаю Прещедрый Боже, воздаждь, к Тебе возываю. О Боже милосердный, Ты Сам зриши, Воздаждь им премного, як сам благоволиши. От Твоих праведных уст слово изречеся: «Кто даст чашу студеной воды»², се промчеся. Не чашу странну воды зобыльно дадоша, В дому господском, в пути, везде принесоща. Услыши мя, Господы, сполни речение:

ПУБЛИКАЦИИ

«Се сторично воздам, дам в небе селение». Сподобы господина Димитриевича Григория Строгана, отческих дедыча, (Л. 91 об.) Лет многих, славы, честы во многие лета. Даруй ему аггела велика совета. Исправы серце цара Петра в служение, Сам везде пошли ему благословение. Аз долженствую всегда Господа молити, Господина Строгана пред всеми блажити.

Боже, и оумножи, Здравия приложи, Сохрани чада. До избранна стада Царско призрение Причти в служение. Царя Петра благость. Да обрящет, милость, Даждь ми, Боже, зрети И благодарити. А донеле узрю, Ныне благодарю. Вся блага восприймет, Господь обиймет, Сотворит се ныне И в смертной годыне. Зде многа жить лета Без злаго навета. Прийми Савы труды, Приятен к нам буды. Яви ему милость, Злий на него благость. И мы ожилаем Тебе ублажаем, Як благолетеля. Странных питателя. Блага небесная За своя даяния Наследиши с чади. З избранными стады

Приймешь пребывания до своей старусти, От чад насладишися приятной сладости.

Вся сия узриши, Прийде во Царство. (Л. 92) Вечно, безконечно, Тамо почиеши. Благ глас услышиши: Приймете богатство Трудам ти прилично. Во век пребудеши.

Душа твоя во благих с чады насладится, Со праведницы отцы твоими вселится.

Виват, виват, Боже, Да Строганов примет, Григорий преславний, З Димитрием отцем, С маленькими чады, Процветут во славе, В небе и на земли. И сотвори целы,

Вспомагай, Госпоже. Мзду трудов обыймет. В чести, славе давный Сиявшим, як слонцем, Як красними сады, Превознесут главы Боже, их объемли Як грозды доздрелы,

Як зеницу ока, Усердно желаю,

Оттоле даст вам славу, Благословение,

Лет, здравие цело, Во всем вам поспешит,

Упокоение, Во вечние роды, Желаю усердно: О отце молете Того вам желаю, И вси тожде рцете, Григорий Строганов,

(Л. 92 об.) Да живет здраво, славно,

Июля перваго, Писася в похвалу, Благослови лети Богом ему данны, Призирай з высока. На небо взираю. Возлиет на главу Даст умножение Возлюбит вас зело, Во трудех утешит, В небе селение

во трудех утешит, В небе селение Умножит зде плоды. Живете невредно, И матерь любете. Сим слово кончаю, Со мною молете: Як Авраам нов, Як бе и давно. А дня недельняго³

Прийми, Боже, малу. Строгана и дети, Як з неба посланны.

Благодать во имени носяй вам желает,

О вас молити Бога всегда не престает,

Оставльши дом господский. Строганов реченний,

Молю в роды и роды, будь благословенний.

Идохом в путь предлежащий в суднах з работники,

В начале преславнымы в судне охотники.

В дому бо изобыльно удовольствованны

Деньгами, хлебом, солью все напутствованны.

Исперва нам Часова тихенка явися,

Всяк з нас добре плыти усердно молися.

О Часово предывна, река жестокая,

Местами не по мере странно глубокая!

Не як слышах, так вижду, многа зде измена,

На всяк час приходит тяжчайша годына,

Ужасает по всяк час последня кончина.

Многие о Часове различна рекоша,

Неравно звещение о ней мне дадоша.

И невозможно о ней рещи, что постоятельно,

Всем преходящим по ней есть нечто сумнительно.

Само имя Часова сие извещает,

Непостоянна бо есть, всяк сие взырает.

(Л. 93) Уверает мя на слух самое зрение,

Должно мети всякому прилежно бдение.

Временем есть велика, временем маленка,

Зшедши из брегове своих без меры страшненька.

По камени имеет свое течение.

Не пользует ей камень, дан в утверждение: Местами быстро льется, зело устрашает, Каменнимы брегами горы разширает. Видех Волгу и Каму: тяжки и жестоки. Преходых между ними дывние потоки. И не токмо потоки, но реки преславны: Белу, Вятку и Сильву⁴, в течении давны. Но река Часовая во всем отменнейша, В жестокости над иных зело чудеснейша. Каменем от обоих стран суть обложенна, Великим и высоким, мелким умноженна. Издревле везде славны бяху запороги⁵, Ныне за свою змену попраны их роги. Прийде им внезапу мерзско попрание, Зменник кийждо нарекся [в] вечно ругание. О сем писать несть места, злоба их довлеет, К бесурманом поидоша, имя их истлеет. Но горы запорозцов сим суть неповинны, В течении Часовой весма несравненны. Повествуют, яко там суть переволоки, Чрез камене преходит без мери высоки. (Л. 93 об.) Сколько там переволок, не могу писати, Зде на Часовой очима явственно взирати: На день дважды и трижди судну преволока, Волна быет о камень без мери жестока. Каяждо преволока смерть нам представляет Прежде нас преходящих, бедных изъявляет. В первий день по неделе нощь нам прилучися, Человек от Табольска тамо изъявися. Вопрошен: «Что странствует зде, что его дело?» Возвести: «Истоплен есмь, разорен всецело, О камень приразыхся, Разбойник реченний, При Часовой стоящий, высоко зращенний Як бы пловущим бедным на истопление, Всеконечну пагубу, на разорение». Во правду разбойниче прилично му имя, Аще каменное в нем не разнственно племя. Сами его видехом, своима очима, Представляет себе всем невозбранно зрима. Пред собою имеет камение много, Сам от иных не высок, без древ, стоит наго. З ину страну от него глубока долина, Як истинно разбойник, темна разселина. Праведно есть нарещи место Разбойником: Страх превелий приносит бедным работныком.

Известны его злобы ину страну ходят,

Судна со пловущими, искусно преводят.

(Л. 94) Нам явися недвижим, як и прежде бяше,

Кто к нему приразися, того и вреждаше.

Не от камени сие бывает в нем дело:

Кого Бог призирает, сохранит и цело;

Именование се человеча есть немощь.

Всяк творити, слышати ново является нощь.

На Часовой бо много камений видехом⁷,

Избавитися от ных всеусердно бдехом.

Но камень там ни един никого не биет,

Аще нарицание кийждо свое меет.

Як реки, так камени, везде суть разнственны,

Именем, не бытием в себе разделенны.

На Часовой премного от обою страну

Являются камены. На коемждо стану

Имеет свое имя или название,

Людским изволением именование.

Камень Четыри брата, — откуду се вестно?

Кто при рождении бе? — и се не вестно.

Кто первее в них родися, кто меж тех старейший?

Или по человечу: кто и паче сильнейший?

Четырех мы видехом, но все суть не равны,

Точию изъявляют, яко зело давны.

Есть нечто ко братиям, якобы прилично

Давненко положены. Зрехом на ных тощно:

Первый зело высокий, два средне нижайши,

Четвертый превосходит, от всех высочайший.

(Л. 94 об.) Вам сие предлагаю во разсуждение, Молю Бога зреть вскоре их свобождение.

Ины камени многи, но комуждо ино

Возложенно имя, а все суть едыно

Камень пребывают и суть недвыжимы,

Но проименуются именами сими:

Камень Мяккий, ин Шайтан, ин Великий камень,

Невозможно исчести их различных имен.

Ины именуются Кавинские горы,

Аки грады шероки и красние дворы,

Аки бы человечим трудом устроенны,

Прилично кожду место в меру положенны.

О сем не подобает слова разширати,

Читающих и себе не отягошати.

От Бога устроенно, тако пребывает

До скончания века, так себе являет.

Господы, мя сподобы прейти их невредно,

Преплити Часовую в зравии нетрудно. Едва ей половину доселе пребыхом, Многи беды счисляем, мало что выдехом. Призрение Божие доселе довлеет, Его благодать до конца нужды одолеет. Нас по Своей милости от всех бед избавыт, До пристанища тыха всецелых управит. Волны жестоки ея будут усмиренны, Недра направление будут распростренны. (Л. 95) К Тебе, о Христе Боже, очи все возводим, Милость Твою явленну прочиим приводим В уме, туюжде хощем сами получити. Тебе, Богу, возможно в кротость претворити Часовой течение быстро преужасно, На всяк час воздыхаем и живем опасно. Воистинну бо течет, як з заключения, Таковой жестокости несть изречения. Як вода в тесном месте будет удержанна, Излившися оттуду, вся творит попранна, Всякое препятие удобь простирает ^аИ нестерпимие беды нам наношает ^а, Или як на лотоки бежит стремлением, Зельным неудержанным своим течением. Ко Часовой равенства никто не обращет, Як прилежно разсмотрит, ни мало поропщет: Течет бо по камени, каменем усланна, Во жестокости своей над ины избранна. Дивен еси, Господи, всегда возглашаю, Строения Твоего аз не вопрошаю, Припадаю на лице, Тебе слезне молю, Вся, данна мы от Тебе, радостне приемлю. Не стязую течений, не ищу быстрины, Желаю Часовой достигнути кончины. Но прилучаи многи на всяк день бывают, Работники самии печаль умножают. Вся долготерпеливне должны поносити, Помощи в Тебе, Бога, на всяк час просити. (Л. 95 об.) Подаждь нам всескору Часовой кончину, Простри Свою десницу, да не во глубыну Впаднем между каменны и будем сотренны, В разселинах Часовой безгодно вверженны, От начала прейдохом многи неудобства. Не едины лышенни там своего богатества.

^{а а} Написано на полях.

Нас, бедных, высокость гор устрашила, Твоя всемогущая сила укрепила. В явственных неищетных смертех пребывалы, Тысящу крат на всяк час кончину взыралы. З едной страны на другу должно преходити, От зельных течений страх на страх приводити. Смятошася братиа и подвизашася, Една отрада — к Богу вси поручишася. Милосердний не презре, сподобы преплыти, Высоких гор и быстрин без вреда избыти. Без гор мало не прийде безгодно умрети, Сподобыхомся в мелком милость Бога зрети. Паде судно на камень, лежащий в воде, Удержан бе на долзе в скором своем ходе. Блиско часа стояли, не могли сорвати, Мню, более от часа тамо пребывати. Едва все собравшися со великим трудом Поднесли ис каменя, исполншася студом. Работником досадно, иным бе печально, А место от живущих людей бе дально. (Л. 96) Аще же и людие в весех пребывают, Зело малое число, симы не вповают. В пусте месте живущи, зело малоплодно, Два дворика или три, во всем не безбедно, И то далече себе между чункусами. Четырех, пяты и болей бывали пред нами, Иных с хлебом, часником или мало млеком. За скудость свою многу посрамленным оком. И рады малолюдства рибки не видехом, Ни свежой, ни солоной нимало вкусихом, По нужде белужину принужденны ясты, Без рибы не дерзнухом при трапезе сести. Древле речеся: «Человек не взирает пости, Егда добре спостится, незметает кости». Хлеб сухий, рыбу слану только б представили, Паче свежой стирает. А рыба не зносилы Со стола и подали довольне вкушати, За кашу ячну, пшенну изволил молчати. Часовая быстрая тым нас напитала, Изшедши от городков, рыбка не бывала. Прежде лениов сварили, тых и представляли, Поминающе давших, благодарствовали. Боже, их благословы и их господина,

^а Исправлено, в рукописи: быб.

На Часовой видехом такова едина. В долго время имя и не будет забвенно, Даруй ему, Боже, все в дому умноженно. (Л. 96 об.) Еще Часовой долгий путь, бедный предлежит, Совершим, аще Бог нам живота умножит, На Него едынаго все упование, Сохранит нас всецелых в Свое служение. Як ныне, так и тогда тим возблагодару. Удали препятия, Пренебесный Царю, Да не углебну в водах при самой кончине. Сохранило пловущих мне всегда и ныне, Достигши пристанища, возвеличу имя Твое, свято хвалить со мною будет всяко племя. Недолго ми предлежит путь сей шествовати, Благоволи, молю Тя, мне помощь подати. Ни скучаю, ни скорблю, не хощу тужити, Непрестанно желаю вину Ти служити. Зде по Твоей милости во всем зобылуем, От всех подаянием сим благодарствуем. Ты сердца управляешь на подаяние, Буды им мзда зобильна и воздаяние. И аз, благодатию свышше укрепляем. Что имею творити, чрез Тя наставляем, Во всяк прилучаи должен работати, Благоугоден быти, прилежно искати Кто благих не требует, ни послужения Моего. Прийми, Боже, моя моления, Даруй им по сердцу вся, егоже желают, О чесом во молитвах к Тебе возывают, (Л. 97) Пошли от влаги земной, от роси небесной, Сподобы скончать живот в старости пречестной, Христианску кончину сподоби имети, Лице Свое святое даждь им в веки зрети. Пловуще на Часовой, к Тебе возываю, Даруй прейте без вреда, Тебе призываю. Ты подал начало странству положити, Благоволи здравию помощь приложити. Чрез седмицу Часовой двадесят прейдохом Чункусов, пристанища до днесь не видехом. Что предлежит, не веми, токмо ожидаем, На помощь Тебе, Бога, всегда прызываем. Удали неудобства, даждь здраво доплыти, Як всегда, так и ныне будем Тя блажити.

^а Слово написано над строкой.

Но и сие без Тебе никогда бывает,

Удобне вся сотворит, кто Тя призывает.

В среду вприйдохом к горе, Ярмак нареченной в,

Паче иных высоко зело вознесенной.

В ней пещера высока здревле устроися,

От некого Ермака, что там положися.

Или кто в ней живяше, ли повесть едына,

Неизвестно, откуду та зрасте глубына.

Неции от работников тако поведают,

Ины зело разнственно, инако вещают,

Аки в горе поживе неколико время,

З товариши носящи разбойниче бремя.

(Л. 97 об.) Оттуду изшедши, взят Сиберское царство,

Царю Ивану древню даде все богатство.

Мало поживши, в волнах водных погруженний,

За свое храбрство зло ли добро прославленний.

Сие зде положися для возвещения,

Слышах от работныков для утешения.

Истинна ли или несть се их речение?

Не судете, прочтете со повествование.

На воде пловуще, сим упражняемся:

Повестьми работников вси наслаждаемся,

И прилично ко правде они поведают.

Недалече от горы щити пребывают.

Безбожнии татаре, число их немного,

Не в пространных хоромах живут приубого.

Приплыхом до ных рано, нам пожаловали

Непрекословне, подвод осмь подалы.

Возрастом невелики, як прочии люде,

Кийждо от ных безумной веры своей блюде.

О том з ными беседы в нас не бывало,

Немедленно отплыхом, постояли мало.

Нужно там коснети, паче невозможно,

Поспешати к пристани як наискоре должно.

Довольно в судне седим, нечого скучати:

Прекрасно устроенно, есть зде пребывати.

Окошка пространние, само высоченко,

Покрито; стоять, ходить без меры добренко.

(Л. 98) Селений предовольно в нем есть устроенно,

Чуланов распространных, одров разширенно.

Ради мене самаго — як келья столова,

Для молитвы правила — як изба дворова,

Пространство во обоих есть для гостей довольно.

Бог посылает в пищи всего изобыльно,

Украшения внутрня не воспоминаю,

ПУБЛИКАЦИИ

Благодарение всем всегда Богу даю. З приходу отцу Нилу со диаконами, Господину писару тамо с певчиками, У коегождо одр свой, добре устроений, Лепотне, як клеть, добре покровенний. Там же Сенка з Яковом четцем валяется, Временем под лавою упокоевается. Иоан под кормою, як некий господин, З Григорием поваром, будто простолюдин. К носу судна Венедикт ермонах з диаконом Яковом пребывают в чулане довольном. От обою страну судна чуланы зделаны, И известно обоим, як одры усланны. Федор, Захар, Грыгорий с ними пребывают, На утренню не встают, к шестой почивают. Другаго Захарию нечого поминати: Ленивый и не вмеет по книгах читати. Быти его некому, конечне потреба, Своею леностию лишается неба. (Л. 98 об.) Не лет их назирати, рещи им довлеет, Себе добр и прочиим зло себе имеет. То внутрь судна. Наверху много строения, Потрудился ремесник з стряпчим неубого.

Есть на що смотрети, Печи, паки суть столы, Шахи обращают, Колько им угодно, Почерпати близко, Глава не болеет, На врачевание Аз не прошаю, И впред им свобода — Пийте, детки, пийте, Недалеко пиво, А меду не дерзайте, Винце вам свободно, Сами зрете мало,

А нечого зрети,
Не всегда суть голы.
Воды испивают,
Сию пьют свободно.
Ходити не слизко,
Падши, не истлеет.
Часто черпание.
Кто пиет, прощаю.
Всегдашняя вода.
Инаго не влийте.
Сие пить вам диво,
Для нас соблюдайте.
Но пить неугодно,
Прежде больш бывало.

Благослови вас Бог без пива и меду, Еще млады и здравы — спиете и леду, Часовой воды холодной, а для нас держите Мед, пиво, вино — цело да будет, хранете. Пити, исти довольно кто вам возбраняет? Перед вами никто же сих не сохраняет. (Л. 99) Держите, нам даете, все есть вам свободно, Молю, пийте по мере, не як вам есть угодно. Не яко нам, як Богу, присно работайте, В чистоте и без пьянства Богу угождайте. От нас нужды ныкогда все не видаете, Многажды на утренны вы не буваете, А кая сих есть вына, познати не могу: Леность ли пьянство? — сами дасте ответ Богу. Мню, некии не рады судна оставити, А наипаче кто в Церковь ленив есть ходити. На судне оставитися им не возбраняю — Живете здоровенки, путь свой управляю, Приймете за труды, что самы посеете, Узрите сколько плодов в чесом успеете. А ныне, спутшествующим нам, помози нам, Боже, Тебе поручаемся, о Мати Госпоже, Ты нам на пути водном бяше наставница, В настоящем шествии окормительница^а. До судна водна паки аз возвращаюся, Призрением Божиим в сем утверждаюся. Что в нем обретается, чтущим возвещаю, О Дево, усугубы, слезен возываю. Мед, пиво волочется невозбрано пити, Пищи преизобыльно некому претити. Чернеговский на завод медок сохраняют, А нового, согревши, смак исправляют. (Л. 99 об.) Дважды на пути в судне мед сладкий варили, А меду ни едыною нигде не купили. Преосвященный Сильвестр первый пожаловал, З иними потребними на судно нам прислал. О сем на ином месте возблагодарити, Не закосни помянуть и ему служити. Да в ней не написася Демьяна имени, От добраго он прозебе корени, Не празнует, но пишет везде безпрестанно — Благопотребно дело и весьма избранно — Достоин добра слова и подаяния, Будет ему от Бога мзда за писания. Печаль бедный при теле, в теле своем болесть, Подастся ему свышше предостойная честь. Аз по долгу моему не забуду труду.

По временном житии во радости суду

^а Далее по внешнему полю написано: давне нена.

Предстанет ужасному; зде благословится, В чести, славе, богатстве зельне прославится. Труждшуся делателю даст одесну сести, Со святыми в Царствии манну сладку снести, Боже, его сподобы. Услыши мя, грешна, В писании Демьяна сотвори поспешна, Даруй ему в здравии и крепость, и сылу, Даждь ему пребывати, як плоду дозрелу. Воистинну бо Демьян мне благопотребен, Писмом он изъявися аки преподобен. (Л. 100) Что мое писание, як не преведено На ину руку будет, аки несмиленно, Никто его не прочтет, писать бо не вмею, Сам писать, переписать отнюдь не довлею. На препись охотников никого имею, Долженствую искати, сам не одовлею: Дела архиерейски сего возбраняют, И нужду мою братия любезне сполняют до судна водна. И паки архимандрыт Макарий а честний Даде спору кадушку, воздаст му Небесный, Медок, совокуплши, як в Сарапуле бехом. Нощь тамо обнощевавши, согреть повелехом. Не отрече отец Нил честний, потрудися, Прилежным и тщанием добре усладися. Есть за что благодарити, за что хвалити, Неленивы купно все вовремя испити. И прилично музика всегда не престает: Безчисленний комар в всяк час пребывает. Не сам еден, мушечки з собою приводит. Не веемы: в заключенны як в окошка входит? Шумят, гудут, як поют, им видится сладко. Пребывающим в суднах не бывает гладко: Прогнати невозможно, нужно с ними жити, В день и в нощи, на всяк час не дают почити. Неразсудны до зела и в молитвы время Налагают на тело претяжкое бремя. (Л. 100 об.) Як несмысленны в судне везде прелетают. Як трапезу представят, оны не престают Досаждати, во уста дерутся и в очи, Аще и прогоняют, ни един отскочи. Непечален бы комар, ибо припевает, Нужду мошка маленька безгласна бывает, Стужает и кусает. Некого убыти,

^а Далее над строкой написано: ский.

И убывши, мерзостно персты скровавити. О сем прежде писася, зде стыдно писати, Добро есть в терпении всегда пребывати. Воскоре уступити будут принужденны Мы им, судна оставым, мразом сокрушенны. О люте мне, не хощу мало потерпети, По временном житии небо наследити. Елико бо^а человек внешний истлевает, Толико внутренный в душе добре успевает¹⁰. Нынешнии муки суть рабом веселие, За терпение кратко дают превелие. Утверды мя, Господы, нужная терпети, Сподобы по житии Тебе, Бога, зрети. Донеле сия будут, укрепи во труде, В радости со святыми даждь стати на Суде На страшном и ужасном одесную Себе — О сем воздыхаю и молю всегда Тебе. Помилуй мя, Господи, и утеши грешна, В плавании, житии сотвори поспешна, (Л. 101) Даруй благополучно путь сей совершити, В дому архиерейском даждь мирно пожити З духовним чином, мирским, со всеми гражданы, Недостойну от Тебе, Бога, мне поданны. Благодатию Своею сердца их исполны, З мого послужения да будут довольны. О пресладкий Иисусе, на Тя надеюся, Тобою управляем, аз утверждаюся. Неудоб, камо иду, что хощу приати, Что имам в житии по смерти подъяти. Людие незнаемы, далечайша страна, Не вем, что творить людем коегождо сана. Дело есть неудобно: како угодити Странному человеку, як з нимы ходити? Колико глав, толико во всяком разуму Подобает послужить человеческу уму. О люте мне пребедну, – паки возглашаю. – Иоанне безсильне, тебе вопрошаю: Разсуды, что предлежит бедну ти творити, Як возможешь к себе претворити. Еще еси не видел, ни мало претерпел Зла, слезышь, воздыхаешь, иже добра видел. Уповай на Господа, люд есть преизбранный, Архиереем в радость от Бога поданный.

^а Слово написано над строкой.

По Божией милости ты блага узриши, Купно с ними по смерти небо наследыши. (Л. 101 об.) Мужайся, сердце твое во всем да крепится, Жития воздержнаго, любви придержися. Любовь же множество грехов покривает, Во Царствие вселится, кто нань уповает.

Но о сем в ино время дай, Боже, писати, Не лиши мя, Господи, Своей благодати. Но прежде рех о меду, яко вторицею Приуготовася нам. Боже, сторицею Даждь его милости, добру человеку По сем житии причти аггельскому лику. Принесе нам до судна меду, кадку спору Большую масла чиста з господского двору. Зело благоугоди в нужде пособствова, Больных, просящих меду, зело возрадова, Но и здравым, пловущим в судне, пригодися. Егда раствори Федор, кийждо усладыся Не излишным питием, ниже злобным пьянством, По мере и во время праведным довольством. Еще по строении мед, но не утвердися, Як будет несведом, в нощи сей сварися. Вкусивши, труждшагося предобре похвалим, А за труды нимало ему не умалим. З чернеговским мешати нов мед пригодится, Кто и в меру испиет, добре усладится. О Чернегов-Чернегов, кто даст в тебе жити? И до смертной кончины не могу тя зрети. (Л. 102) Не тужи, ни печалуй, так Богу угодно, Его благодатью поживешь свободно. Что Чернегов есть? Село против Тобольску, Преславному народу, живущем в Сиберску. Тамо граждан преславных премного узриши, Честь, славу и любовь себе умножиши. Но первее молися, да сподобышися Плавание совершить, благу насладишися. Аще буду достоин, сих удостоюся, В дому архиерейском надолзе вселюся. Блюды, опасно живы, ни ропщи нимало, Благодарен буди, так Богу подобало. Кто еси против Бога дерзаяй роптати? Да не отчуждышися Его благодати. Ропчущии восприймут исчезновение, Неба лишатся, приймут отриновение.

О Боже мой, о Христе, даждь ми Тобольск зрети, Тебе, Богу моему, усердно служити. Судьбы Ти бездна многа, что хощешь, твориши, Несодеянна моя явственно Сам зриши. Твою волю творити на всяк час есмь готов, Множайших к Твоей воле не простираю слов. Готово сердце мое, готово, мой Боже, Вся сотворю, исполню, ащи ми поможе. Благодать Твоя в помощь мне, грешну, приспеет, Сия едина в нуждах мне, бедну, довлеет. (Л. 102 об.) Аще писах зде, пишу и сугубляю, Сокрушай и опаляй, Тебе прославляю. Вся терплю, вся понесу, як Ты есть угодно, Душу, тело предаю истинно свободно. Милость Твою кто зречет, на мне бываему, На всяком месте в довольстве являему? Кто есть, о Христе Боже, яко мя помниши? Немощи, во мне сущей, аки бы не зриши: Косноязычен, гугныв, весма непотребен, Являюся пред всеми аки преподобен. Горе тебе, лишенне, окаянне, горе, Блюди, да не погрязнешь в геенское море. Творишь себе великим, превозносишися, Достойных презираешь, зело гордышися. Не веси, яко беден, весма окаянен, Вечну на сожжение огню приуготовлен. Помяни некоего епископа давна, В мирском почитании до зела преславна. Вземши архиерейский чин, зело радовася, Яко архиерейство ему даровася. Воставши на молитву, рече: «Благодарю, Яко удостоихся, Пренебесный Царю, Архиерейство честно на себе носити И приходящих ко мне всех благословити». Внезаапу к себе глас услыша с небесе, Устрашающий паче всякаго словесе: (Л. 103) «О недостойне земля и перст наступати, Не престаешь, безумне, себе величати. Не твое достоинство, яко в сем граде Приемши епископство, живешь на прохладе. Град сей и живущии в нем согрешиша, Всезлобна тя достойны, яко не пребыша В повелениях Моих, грехом работали, Церковнии уставы обще приступалы. На казнь ты зде избранний и постановленний

Епископ. Да явится кийждо исправленний, Зряще бо тя, мучитель, к Богу обратится, О житии своем воскоре добре исправится». Кто весть, аз коея рады выни преселенний, Из Чернегова града в Сиберь веденный? Воистинну, за моя зла согрешения, Мерзских дел неисчетных за умножения Не пребывать до смерти на своем престоле. Отверже мя Господь Бог з святой Своей воле, Благоволи вложити в серце государу, Предостойнейшу Петру, преславному цару, Милостивое слово ко мне написати И повелить в Чернегов по мене послати. Последуя царскому аз повелению, Веселимы ногамы ко совершению Немедленно потщахся делом исполнити. Но, увы мне, царска лица не могл зрети, (Л. 103 об.) Точию монаршу сподобыхся десницу, Написанну на чистом листе. Як зеницу Сохрани их, Христе, аз же благодарю, Многа лета желаю славну Петру царю. Даруй ему, Господы, на враги победу, Да проженет и сотрет, не оставит следу. Аз в предлежащий путь граду всерадостно, Благонадежен. Приймут граждане сладостно, Ибо серце царево в Божиих пребывает Руках, и моя грешна душа уповает В Божие призрение и царскую милость. Сам изъявлю по силе моей всяку благость. Токмо, Боже, поспеши путь благополучно Прейти и достигнути, храны непорочно. Помощию Твоею жити обещаю, Як Тебе есть угодно, прочих увещаю. Елико мы возможно, хощу угождати, Коемуждо по силе в делех работати. Аще бо кто старейший во вас хощет быти, Да будет всех последний и всем послужити Потщится усердно. В сем, Боже, ми помозы, Вся зла препинаниа удали прилозы. Удостой пристанища вскоре достигнути, Часовую весело удобь преплынути. Сотвори Ты со мною, як Тебе угодно, Волю свою предаю, господствуй свободно. (Л. 104) Исправи серце цара Петра в призрение, Вложи в сердце Дух Святый на послушание.

В четверг^{а11} к татарам в вечер не позно приспели, Три чункаси в той день в пути одолели. Даруй, Боже, сего дня толикое число Или много большее достигнути прасло. Да не воздыхающе сия вся сотворю, Тебе Богу за помощь возблагодарю.

Божественная благодать, Ты так благоволи, З Чернеговска престола в Тамбольский пресели. Ты Сам буды помощник, немощну правитель, Аз же есмь всеусердный везде Твой служитель. Не престану работать до истощания Здравия безсильна, до изнеможения. Донеле сия будут, укрепи на пути, Даждь кончить Часову: як прежде пресловути Реки быстротечнии без беды, удобно Прейдохом, так Часову воскоре свободно. Запрети волнениам, сотвори тышину, Докончити Часову даждь добру годыну. По вся бо дны волны умножает, А воздыханий наших отнюдь не взырает. Без Твоея помощи не можем творити. Готов, преплывши реку, Ты благодарити. И ныне благодарю, яко мя носиши Здрава, цела по водам, немощем терпиши (Л. 104 об.) И до конца потерпи. Моих беззаконий Забуды и заглады, твоих оправданий Научи мя творити и в оных ходити, Донеле изволиши бедну мы пожити. О Часово, хвалю тя, по всяк день ублажаю, Воздыхание, печаль во всяк час умножаю. И Часова бо во всяк час бедных оскорбляет, Волны страха наводит, живых умерщвляет. От берега⁶ на берег нудыт преходити, Ни еден день не хощет от нужд свободыти. Преужасно камене видехом вначале, Надежда бе велия — устанут помале. Неизвестна кончина, и коль скоро будет, В смертех явных всегдашных знаем, что прибудет. Килко часов на меле стоит неподвижно, Воздыхаем прилежно ко Богу надежно. И аще бы не Господь нас, бедных, сохранял,

а Исправлено, в рукописи: четвер.

⁶ Исправлено, в рукописи: берага.

На помощь всескору к пловущим уранял, Вмале бы душа наша не изишла с тела, Его свята десница сохранит всецела. Большую половыну доселе преплилы, В премногих волнениах з Господе пребыли. Окол се прешествие от нас удалися, Премилосердный Боже, Ты Сам умилися. Видел еси в пяток 12 сей наше страдание, Многих труды работников, всех воздыхание. (Л. 105) Колико часов в месте едином стояли, Судно ста на камени, от него встягали. Паки, мало прешедши, жестокии прийдоша Волни, довольни людем работи дадоша. Но в сем утешаемся: задня забывайте, По апостолу, в предня себе простирайте 13 . Всегда силен Господь помощь нам подати, Во всяком месте, деле с нами пребывати. Прибуди ныне, Христе, и с нами пребуди, Укрепляй в служение немощнии уды. Обнощь буди с нами и не удаляйся, Помощию Твоею Сам в нас прославляйся. Не забуди, призри нас, Твоих служителей, Елико мощно закон данных хранителей. Во повелениах Твоих аще бы ходили, Таковых бы бед, скорбей никогда видели. Посылает Бог скорбы за преступление, Всесвятых заповедей за неисполнение. Сам тако Бог глаголет: «Аще ви ходите В заповедех, в житии блага увидите. Прорастит земля ваша изобыльны плоды, Прославитеся везде в последние роды. Уснете, и не будет кто вас устрашаяй, Ни еден обращется от враг разрушаяй»¹⁴. Но о сем зде не время слово простирати, Подобает помощи совишше взирати, (Л. 105 об.) Исправляти житие, все благоугодно Творити на всяк час, жити несвободно, В звании пребывати, донеле дух в теле, Прилежати усердно о врученном деле, Молитися о себе равнее, паче о врученных, Да достоин буде зреть во всем наученных. Тако апостол учит: «Буди образ словом, И житием, и делом, во всегда готовом Во всякий ответ кроток з долготерпением, Коегождо по силе со наставлением.

Да сам ты спасешися и ины с тобою»¹⁵. Но сего не сотворишь еден сам собою. Припади ко Божией Матери Пречистой, Общей всем заступници, помощници истой. О Марие, стиждуся, стиждуся, о Мати, Да не отчужден буду Твоей благодати. Толико бо триваю, долго пребываю Во плавании водном, на Тя уповаю. А доселе не писах, слова ни едина Не приложих во Твою честь, а ныне кончина Приближися Часовой, проименованной Изменением, зрящих от пловков названной. Умолчах, Марие, не з нерадения, Не лишихся Твоего в сем вспоможения. Аще бы Тебе забыл, забуди десница Мене Вышняго, не зри, и Твоя зеница (Л. 106) Да отвратится, да^а не взирает мене. Но се ми не буди, Прилагах всеусердно доселе вси труды. Прилипни язык к гортани, аще не прославлю, Не помяну величий Твоих, не глаголю. Твоею помощию написах премного, Ты ми помоществовала шедро, не убого. Всяк час помоществовала тщаливо писати, Свою славу во всем мире везде разширати. Ныне, из Чернегова изшедши, ни малу Воистинну по вся дни творить подобало. О Всесвятая Дево, паки припадаю, На сем пути пребедном всего мя предаю. Ты веси к Себе мое всегда служение, Непрестанное в нощи, во дни моление. Егда в келии аз сидях и егда исходих На дело или во церковь по долгу приходих, Всегда Тебе Пречистой прилежно молихся, Твоим заступлением здраво возвратихся. Ныне писать не прийде угодное⁶ время, Еже мне восприяти любезно есть бремя, Наипаче егда милость Ты на мне изъявила: В суботний день 16 плавати здраво пособила. День бо сей приятнейший над ины явися, Часова изменная предивно смирися. Аще на еден день шесть крат преходили, Но нимало трудами себе не вредили.

^а Исправлено, в рукописи: де.

б Далее затерто: дело.

(Л. 106 об.) Зряще премену реки реченной Часовой, Во осмое 17 заводной отложшей бычовой, В прехождение нужно все употребыли, Нужное место добре и здрави пребыли. В той день суботний бяху благорастворенны Воздуху, ветри, бури весма усмиренны. Паче мимошедших дней субота явися, Твоя честь, Марие, во всех прославися. Радующеся, плыхом и благодарихом, Тебе, Пречистая Дево, все мы восхвалихом. Работники преидоша более трох чункас, В молитвах кииждо вознес благодарствений глас. И аще прилична некая бы страна Неудобь преходима, безмерна глубына, Нетрудно работники воскоре прейдоша, Тебе благодарение радостне^а дадоша. Поднесши шестов десять, Тебе призиваху, На тягучих бычову гласно возываху: «Скорую помощницу Деву призывайте, Скору помощь приати от Ней уповайте». О Пресвятая Дево, ко всем милостива, Молитв наших грешних всегда послушлива. Неудобство всяко нетрудно прейдохом, «Радуйся, Дево Мати»,— Тебе вси рекохом. Яко доселе не престах Тебе величати, Честь Твою, славу, помощь пред всеми вещати, Не точию донеле на пристани стану, И до конца жития славити не престану. (Л. 107) Яко красну, предобру, яко непорочну Во женах избра Тя, славе Своей точну, И во Твою всесвятую утробу вселися, Избави мя от греха, во мне прославися. Устранихся без ума, в дальней стране пожих, Сласть плотскую возлюбых, той усердно служих, Но возвращши, Марие, Пречистая Дево, Призри мя милостивне, даждь жити тщаливо. Но яви бедна в радость на будущем Суде, Возревши на немощна, укрепи мя в труде. Ты ми крепость, пение, твердо спасение, Стена непобедима и заступление. Сопротивния волни усмири, о Мати, Плавание прейти даждь, на пристани стати.

^а Далее затерто: проидоша.

Станешь — твори доброе, а зла удалися, Прийми як крепкий анкир 18, Марии держися. Не попустит до конца тебе погибати, Сильна есть Она от моря смерти спасати. Укрепи, Владычице, серце ми смиренно, На послужение Твое сотвори бодренно. Надежда непостидна^а и упование, На воде, во всяком месте мне избавление. Покров и наставница буди мне немощну, Молитву творящему к Тебе дневну, нощну, Настави мя к пристани и покаянию, Даждь стезею ходити, конец плаванию Сотвори не медленно, безбедно преплити, Тебе, Пречистой Деве, во всем благодарити. (Л. 107 об.) Не отрины, благая, не остави мене, Помощи требующа з Твоего имене, В Твое милосердие тепле притекшаго, Сведы от глубыни вод, злобне пожившаго, Даруй благодатию зде укреплятися, По сем временных вечных благ наслаждатися. Богородице, прийми мое стенание, Определи воскоре нужно плавание. Припадаю и молю: всем предстательнице, Небурно правление буди ми, Царице. С небесе помощь пошли, волн даждь спастися, С Тобою и святыми в Царстве вселитися.

О сем взываю в помощь, О немощном молим, Елика Ты хощешь, Пренеси нас здраво, Донеле пристанем, Во всяк час блажити, Ты не возгнушайся, Не токмо на воде, Як во воде и сусе. Призри моление, На воде и земли Здраво нас пренеси, Тебе там восхвалим Славити там будем, <...>6 немощном,
Грешном благоволим.
Сотворити возможишь.
Даждь нам плити право.
Тебе не престанем
Славу Ти множити.
В грешных прославляйся
Но и на исходе,
Живущим во искусе
Даждь избавление,
Молитвы приемли.
Даждь место в небеси.
И зде не умалим.
Донеле пребудем.

а Слог «не» написан более светлыми чернилами.

⁶ Слово написано неразборчиво.

ПУБЛИКАЦИИ

Во мертвенной плоти (Л. 108) Да без греха служим, И излием слези. На сем плавании На всякое дело, Есть чого скорбети, Временна скорбь радость Многими бо скорбми, Всяк восприймет Царство, Вечно, неизменно. Бед же не счисляю, Пременишь воскоре, На земли пречестно, О Дево, о Мати, Ныне не остави. Да претеку цело На неже избранний, Страну, незнаемий, Упокоения Добра и довольна. Милость, ми приятна, К тебе простираю, Да ми поможеши, По преселении, Быти в пристанищи, Егоже не исках, Божией и царской. Взыскую милости,

Угаси похоти, Содеянных тужим Зде управим стези, И пребывании Молим Тя всецело. Но буду терпети. Подаст в небе, сладость. Всегдашними борбми Наследит блаженство Приймешь непременно. Тебе прославляю. Вознесешь мя горе По смерти в небесно. Исполн благодати, Путь водний управи, И совершу дело, Во дальню посланний Ныне лишаемий И пребывания Но се благоводна В плавании внятна. На милость взираю. В Царствие вселиши. Бурном волнении В табольском жилищи, Воле последовах Ныне монаршеской Не лиши благости.

(Л. 108 об.) Неоскудну благодать, о Дево, имущи, Изобильно подавай, в печали мне сущи. Аще бо во потребных всех изобилую, В случающихся нуждах Тя благодарствую. Но человеча немощь не может терпети, Принуждается всегда во малом скорбети. Се не отчаваюся творить, возывая: Внегда скорбит, возопих к Богу, уповая. Яко тогда святый пророк восприят отраду, И аз в нуждах желаю видети прохладу. Вчерашний день суботный преславна видехом, Себе и работников ничим утрудыхом. Егда Ты отвратила лице, бых смущенный, Изменения ради вод опечаленный. Но Ты ныне таяжде: всегда пребываешь Неизменна никогда, на всех призираешь.

Помози бедствующим, Дево-Владычице, Видети пристанище вскоре, о Царице, Да Тебе там воспоем благодарственная: «Радуйся, Дево-Мати, обрадованная».

О сем возываем, На Тя уповаем: Воскоре услыши, Моление внуши, Да будем довольни. Усмири вси волны, В Твоей благодати, О Божия Мати, Ко брегу справы Зде не остави, Вскоре немедленно. Во всем изобыльно Сих всех ожидаем, К Тебе припадаем: Исцели болящих, (Л. 109) Утеши скорбящих, Долго страждем время, Тяжко носяй бремя. Помози, о Дево, Вопием тщаливо. Праведний отврати, Здравие возврати.

Аще ты праведнаго, о Дево, спасеши, Ничтоже есть велико. Яко грешну речеши: «Востани и возми одр, ктому не согрешай» 19,— Да не согрешим множае, со небес орошай, Подавая известно помощь спасению, Приводя плавание ко совершению. Пишем сия надежно и скоро помощи Ожидаем, вопием во дни и вся нощи, Надежны услышану быти молению: Добру даси кончину водну плаванию. В день недельний, преславний святаго празнова Прокопия²⁰. Господь Бог скорий дождь дарова, Зело благотребний к водну плаванию, Часовой быстротечной вод ко удержанию. Повествуют: яко луна тако изменяется, Того ради Часова во всех нарицается, Временем велика, а временем мала, Многим разорение довольно подала. Як вода оскудеет, во своем течении Узка, крива и спадет в едном речении. Не едного приведе к последней скудости Разбиением судна, а нашей худости (Л. 109 об.) Милосердный Господь Бог потерпе, доселе Не попусти погибнуть. О Христе, донеле Прейдем, даждь нам безбедно, без страха правити. Молим и не престаем к Тебе возивати: Пощади нас, Господы, водное исправити Плавание, ко брегу пути наша вправити.

Не еден страх Часова нам изменением Приносит — и потребных всех оскудением, А наипаче рыбою: свежой не видали^а, Чернеговские грибы пригнилы вкушали. Прежде бяху несмачны, весьма отверженны, На Часовой жестокой стали возлюбленны. Единою постави на трапезе в пяток, Изнеслы со стола. Ину пищу отрок Принесе, но не лучшу — от грыбов плеснивых, И та сопратанна бысть для наших ленивых. В суботу и в неделю свежих не видали, Чернеговских плотичок во сладость вкушали. Белюжины изобыльно люди наносилы, Воистынну лучше бы маленькой вкусилы. Чернеговские окунце доселе держатся В борщику, или зрижем, егда зготовятся. Яко сланы пригнилы, сих не разсуждают, Един другому вкусить охотне подают. Спасет Бог Григория, приспеть не ленится, Но охочий по вся дни без мери упиться. (Л. 110) Сие отложим, нужду Часовой помянем, Помолимся Богу, як оную совершим. В день недельный вчерашный зело бе жестока: Каменми исполненна, местами глубока. Частие бяху на ней страшны переборы, Нами на прежных реках не выданы горы, И без мери высоки, иным не сравненны, Искусным воистинну делчим устроенны Самым Господем Богом, так бо невозможно Рукам человечим строить, пишу се неложно. Едыно взирающим есть удивление, Предивно и чудесно гор тех строение: Ины, як от кирпича, равно положенны, Ины, як фрамузами, равне растягненны. Капители на иных аки уязвляются, Все различны и красны всем представляются. Дивна суть дела Твоя и зело чудесна, Не нижных рука строит, но Твоя Небесна. И мы — дело рук Твоих — Тебе ублажаем, По силе славу Твою везде умножаем. Пособи нам Часову воскоре избыти, Благоугодно, спешно к пристанищу плити. В неделю близ двох чункас едва то преплыхом,

^а Буква «л» исправлена из буквы «т».

В многих бедах многажды со страхом пребыхом. И понедельник даде много воздыханий, Егда когда видехом сице злих плаваний: (Л. 110 об.) Не волны жестокие, ни ветры бурливы, Но быстрота безмерна, аще и тщаливы Бяху вси работники, делом трудишася, Преизобылным потом вси оросишася. Едно сама жестока, паки реки ины Ей совокупишася, от многой глубыны Собрашася во едыно, нам воздихание Умножися в Часовой за зло плавание. Преужасно там видехом перебор, Сумнытельний имехом з собою преговор, Но кийждо хранитель — аггел святый моли, Прейдохом, бед избыхом на Господней воли. А что будет пребедным нам в градуще время, Благодарне понесем, яко от Бога бремя. По трапезе ста судно при татарской веси, О мерзских не достоит простирать словеси. Немногие хатонки, самы бедны зело (Сподобы, Боже, писать угодное дело), Яко зловерно живут, так и пребывают, Во временных суть скудны, вечных не вповают. Хатениок три худеньких, и с тех побежали, Ни една бесурмана от всех не взирали, Башкирцами, равними себе, устрашенных, Невдавне в мимошедших годех разоренных. Як пес мерзский, неситый равна пса не любыт, Так бесурман подобна готов везде губить. (Л. 111) Веры несть в ных, жесточь едину имеют, Скудость страждут и огню вечному довлеют. О Господы, обрати и даждь им спастися, На погибель их призри, на ных прославися, Да Тя, Бога, познают и с нами восхвалят, Мерзску веру отвергут, житие исправят Не точию в державе росска государя, Многих стран самодержца, славна Петра царя — Атаманску порту з всею державою Поработит воскоре з многою славою.

Немощь моя пребедна в силе совершается, В свое время во трудех Сам Бог прославляется. И во святую И волю во всем предаюся, Во плавании тым сам не посрамлюся. Не исках бо, Господи, веси совершенно,

ПУБЛИКАЦИИ

Предвидение Твое есть неизмененно: Ты положи по сердцу славну государю, Всеавгустейшу Петру, великому царю. Православна монарха, Боже, благослови — Серцем, делом, языком, се многими словы Ублажаю, и славлю, и усердно молю, Путь сей благоприятен радостне приемлю. Пошли ему здравие, турчина избыти, Гроб Господень под власть взять, турка скоренити. Святая Евфимие 21, ересь посрамивша, Руки подписанием Церковь утвердивша, (Л. 111 об.) Ты и ныне туюжде имееши силу, Царю нашему Петру турчина, на силу Уповающа, предаждь в порабощение, Царю Петру помози в разширение. Сотвори его царству вину обладатель, Да будет Церкви святой прещедрый податель. О всеблаженнаго, празнуема ныне, Преправнука своего в нинешней године, Подражающи тебе, сохрани всецела, Укрепи и соверши того добрая дела. Прародителем своим царь Петр подражает. Труды ко трудом своим весма умножает Не точию за славу свою — своих родителей Трудится, подражая веры ревнителей.

Прийми желание, Турчина избити, Гроб от его власти, Турецкой неволе. Мерзска бесурмана, Да он истребится, На вечние муки Вси сего желаем, Да Петр воцарится, В широкой державе, Приймет владычество, Август наречется, (Л. 112) В конец до конец На главу возложит, Свободит плененных, Во свою державу, Благоверна Ольга, На турка победы, Да возвеселится

Виждь совершение: Христов свободити Воскоре всех спасти Испроврещи доле Лютаго салтана, В геену вселится В бесовские руки. К Богу припадаем: Царь наш прославится Безконечной славе. Турецко властельство, Везде распрострется, Обладает. Венец Честь Богу умножит, Приведет невредных Турецку сотрет главу. Ожидаешь долго Истребы следы, Царь Петр, воцарится,

А церкви разширит, «Буды, буды»,— рцете, Плененных разрешит. О сем все молете.

Аз в нужном моем пути всенадежно пишу, И не престану писать, дондеже услышу Бесурманской державе искоренение, Царя Петра з росийским везде славление. На Часовой мне ныне добре пребывати, Всеславной Ефимии празник совершати: Доволе мя накорми, много обрадова, Зобильне довольно к трапезе дарова. В градущем не презри, сподоби пристати, Часовую преплыти, радость собырати На земли, на небеси. По сем плавании Даруй мне, бедну, пожити во пребывании Мирном и безмятежном здраво и всецело, В честь Божию творити всяко добро дело. Надежен ожидаю, тебе припадаю, Не отрини, о дево, слезен возываю. (Л. 112 об.) Яко и ныне паче иных велик зде твой празник, Никто принесе рибыц живых от работник. И без тых вчерайшую щуку рослу имех, Половину сварили, тою довольне бех, Толико что без цибуле, негде бо взяти. Як Господь Бог подаст, так будем пребывати. О цебуле ни слова, и без рибы будем Непрестанно в мысле, як Часову пребудем. Ты Богу, Евфимие, о сем помолися, Часову добре прейти, а по сем спастися От всяких бед и скорбей, престол достигнути. Сохраняй и покрывай на всяком нас пути Здраво, цело, без вреда, по смерти Небесно Царство наследити, молю тя нелестно. Як прежде в нужде, от бед, дево, сохранила И ныне по Часовой всецела носила, Так и пути градущу буди наставъница, Докончити Часову скора помощница.

Молю, припадаю, Прийми прошение, Слезне упрошаю, Даждь совершение.

В четверг тричисленний писать возбуждают: Прокл, Иларий, Михаил ²² святии принуждают — Два мученики славнии, третий преподобний, И нравом и житием всячески беззлобний.

Вчерашнего дне святых двоих празновахом, Тишину Часовой обще воздавахом, (Л. 113) Благодаряще Бога и Его угодниц — Едну от супружества, вторую от девиц. Великая мученица, славна Евфимия, Подписанием руки веру утверди семя. А праведная Олга от царскаго рода, Разшири и умножи в Церкви святой плода, Многоблагоприятна и богоугодна, Сама от всякаго греха бе всегда свободна. Отчасти мало рекохом и благодарихом, Яко день той не во всякой беде проводихом. И ныне трием святым присовокупляем, Во всех святых Божиих Троицу прославляем. Три воспразнуемии святии угодницы, На Часовой будита нам всем помощницы. За пролитие крови Господь вас услышит, Молитву вашу приймет, молящихся внушит, И подаст Часовую здраво доплынути, А кончину воскоре ея достигнути. Помощию вашею ныне добре плихом До трапези и мало нужды не видехом. Работники прилежно бычовую тягли, За воз на ину страну з судна легко влекли, И больш з бычовою дале поспешают, И трапезе, коль скоро будет, вопрошают. Благонадежны ваше на заступление, Приймем Часовой здравы определение, (Л. 113 об.) Непрестанно волнами бедных устрашает, Жестоким стремлением зело сокрушает. День неизвестний кую принесет кончину, Умолете здравое преплити глубыну. Воправду есть жестока, многокамениста, Воистинну Часовая реченная иста. Временем тихо пливет, временем до зела Неукротимо течет, мнится так, без дела. К вам сердцем возываю, святы угодники, «Умолете», – вопиют бедни работники. И мы, пребывающе в суднах, воздыхаем, Тысящь смертей и больше по вся дни взираем. Умилосердетеся, Бога помолете, Воздыхания наша многа утолете. В день сей и до кончины здравых сохраняйте, Благополучно плити в нужде сподобляйте, От нас не требуете вы подаяния,

В прохладе живущим нам пошлете даяния. А наипаче в путешествии и во трудех сущу В дальней стране надолзе, многу реку, сущу — Сохранете царя Петра во всецелом здравии, Многоденствие подайте в его житии. Преславна Алексее отче Михаиле²³, Внука своего царя Петра сам доздреле Ныне труждающася за святую веру. Подадите всех благих, исполнете меру, (Л. 114) На помощь прибудте оба купно к сыну И внуку, к царю Петру, меж всеми едыну. В мужестве преизрадну, в победах преславну, Вам в небе известно, во всем мире явну, Славна от него многа вашему имени, Израстшу пречестна святаго корени. Преславний Михаиле, чудний Алексие, За внука, сина приймете моление, Святый Филарете²⁴, присовокупися, В сыну, внуку, правнуку вашем прославися. Троице предостойная, тройному престолу Предстояще, молитву Петру апостолу Возсилайте на всяк час, тезоимениту Правнуку, внуку, сыну, во всем нарочиту, Да умолит Господа, утвердит во труде, Турчина гордостнаго поставит во студе, Турецкую державу воскоре низложит, Отца, деда, прадеда честь себе умножит. О царю Петру прадед, Филарет, Святейший Патриарх Всеросийский, всех наипресвятейший, Молится з сином и внуком: Михаилом сином И внуком Алексеем, да Петр во едыном Бозе в нинешнее время да преуспевает, Супостата турчина да одолеет, Взирая славна отца, прадеда и деда. На турчина лукава обратится беда, (Л. 114 об.) Попранна будет сила и весьма сотренна, Петра царя держава везде разширенна. О святый Михаиле, отче преподобний, Ты Богу благоугодил во всем, як безлобний. За честное житие Троичну предстоиши Непосредственно, славу Троици зриши. Канон, тебе писанний во хвалу, возвещает, Празновати твой празник всем повелевает. В девятой песни пишет: Свет он разумети Земен ум не может, Троический имети,

Егоже ныне приял неизглаголанний, Троически тамо святу Михаилу²⁵ данний. Преблажение, помяни тя поминающих, Троицы Святой предстоя...^а тя просящих. Едва сам от святых, похвали явственна. Якова, Михаиле, тебе изреченна, Имаши, Михаиле, ти дерзновение. Сотвори со праотцы совокупление, Со отцем, дедом, прадедом Алексеевича Петра, царя нашего, истинна дедыча. Купно о царе Петре все помолетеся, З победи над турчином возвеселетеся. Вся бо, елика ваш сын, внук и правнук творит, Во славу Святой Троицы и вашу претворит. (Л. 115) Там честь, слава премнога от царя имени Петра, произошедшаго вашего корени. Ваши молитвы шведску дерзость поработи, В роди и роди честь вам. Яко от работи Избавит турецкой, зведет на свобождение, Турецкого салтана возмет в пление. Прародителей своих древнейших обновит, Престол в Царыграде на прежне воставит. Ти бо, о Михаиле, Никанору царю, Стрий бяше²⁶. Ныне Петру, славну государю, Правнукове своему, буди молитвенник, Одолети турчина явися помощник. О святая Троице, царю помозете, Пров, Иларий, Михаил, турка низложете. Отче, деде и прадеде, Петру пособствуйте, Вам прилично и должно о нем молитствуйте. Не снискают имений чада родителем, Но отцы своим чадом, яко питателем. Государь наш великий царь Петр прославляет, Вашу славу древнюю возобновляет. Болеи о сем множайших слов не простираю, Победы над турчином воскоре взыраю. Ныне предлежащий путь скончити молете, Помощь свою святую воскоре дадете. (Л. 115 об.) Молитвами вашими Часовой прейдохом, День сей до конца еще не доидохом. Помозете, Иларий, Прове, Михаиле, Часову преплити без беды и всецеле.

^а Далее одно слово написано неразборчиво.

Довольно на ней пожихом, время есть пристати, За прешествие Богу вам благодарити. К берегу пущаются, от брега к ночлегу, Часовой быстрой скорой укротете бегу. Вправду бо скоро бежит страшним стремлением, Неудержанным, весма зелным течением. Еще седмь чункасов остается плити, Жестокость презельну дай, Боже, пребыти. Молитвами мученик и Тебе угодниха Сотвори от Часовой нас бедных свободных. Земный путь ко Себеру Тобольску управи, Сохрани во всяком месте нас цели и здрави. О сем молю прилежно, зельне воздыхаем, Помощи у Тебе Бога слезне упрошаем, Твоему хранению себе все предаем.

В понедельник в татарском селе Сенька зловил Рыбок десять и тым нас гараздо удовлил. Ко вечеру Григорий потщався сварити, Пред всеми пловущими зволил представити. Мне бе преизобыльно, прочиим довольно. Се устрои и не больно сольно. (Л. 116) Рыбы же бе возрастом более от перста, Иная множае, паче малейша возраста. Но як мольки маленьки, а инии розны, Знать, в своем рождении не все беху давны. Нечого в руки взяти, як уловися, Удица безмерная, яко он трудися, И большая не дастся на такову уду, Худенький бе ловец, пойма рыбу худу. Якова же ловитва, такова и плата, Дастся ему на ночлег татарска хата. Обаче все приятни его, бедна, трудов, Не пощадят посещи батогами удов. И воправду достоин, о всем не радеет, Як посек розгами, на лучша успеет. И давно подобало, да не прийде время, Сам он желает прияти любезно се бремя. Пречестный отче Ниле, Сенку повелете Гараздо довольно быть, костей не крушете. Аще что сокрушат, еще младый зело, Благопотребно ему се красное дело.

^а Буква «х» в слове исправлена из буквы «к».

Наука бо нейде в лес, но рибу ловити Подает охоту, чужде восхитити. Будет его на дело, аще не призрете, И его наискорее з судна изженете.

(Л. 116 об.) Старушичь Василко Сенки подражает, Рыб охочь ловити, Ловыт странным делом, Негде взявши сита, Ли хлеба печена, Надолзе по воде Берега Часовой, Яковие сети, Рыби не уловил, Не с чим возвратися, Як всегда без дела. Без хлости 27 держати Жити самовольне. Давней подобало. Болей приложете, Хлости умножайте На долзе сецете, Пожал, что есть старец, Зрастит ребро вскоре, Да не сокрушится, Се часто творити Так повелевают,

Лгати хорошенько Злобу умножает. Андрушку кормити. Як в уме нецелом: Положи там жита, В части раздробленна, Держит при исходе. На ловлю готовой, Так его и стрети: А время погубыл. Ситом утрудися, Не треба и цела И не попускати Сечь кнотом довольне За старость бе мало, На цепе держете, И не престайте, Ребро сокрушете. Но зрится быти малец. Повеси ти горе, В лучше исправится. Безпрестанно быти В Писме²⁸ поучают.

Малец, орех жены всегда не бываемы, Хлопец, орех на всяк час не сокрушаеми, (Л. 117) О трудех и учении не исправляются, Всегда злим деянием все упражняются. Егда Василка бьете, Андрушку держите, Да не спит премного, ран ему умножите. Слов оны не слухают, ленятся читати, От Писаниа звикли всегда убежати. Без быча берези ран те не исправятся, Прочее отженете их, да посрамятся. Но ненаказаннии добрых словес не знают, Тем по вся дни на ранах все да пребывают. В понеделок к вечеру Утку²⁹ достигоша Реку и заводнею без страха преидоша. Но Часова не стоит, быстро зело течет, Кто и видит жестокость, сам тако изречет.

И то милость Божиа, что держится вода, Полна в течении в сие время хода. Не было бы для часта ей изменения, Бог посилает вод ради сполнения, Отнюдь бы прейти наше не возмогло судно, Вандровати пехотою без мери есть студно. И до конца помози, милостивый Боже, Благорастворен воздух умоли, Госпоже. Мало от сел чункасув Часова имеет, В помощь Твоя благодать бедным да приспеет. Без меры воздихаем, не можем отрады Изобрести в пустины — церковной ограды. (Л. 117 об.) Чункасов килка десять на Часовой плыли, На святой литургии ни разу не были. Сподобыл нас Господь Бог во вторник совершати Сугубый празник, службы негде послушати,— Антониа Печерска и ризы Христовой 30 Честно положение, покрить нас готовой. Без литургии не радость, но воздыхание. Сократи, угодниче Божий, плавание. Твоими, Антоние, святыми молитвами Чаем преплити Часову, или ты пред нами. Рызою нас защищай, Христе, путь управляй, Совершити сподобы, Сам волни усмирай.

О Христе, Ты услыши, Часову утиши.
Ты сотворил воды, Исправи нам ходы.
Ты волны смираешь, Бедны призираешь.
На Часовой сходе Даждь тишину воде.
Нас здраво донеси За труды, небеси.
Сподобы там жити Со святыми, блажити Во вечние роды, Даруй мирние сходи.

Вторник благоприятен нам днесь изъявися, Святый отец Антоний умилостивися. Пособствова во свой празник чункасов толико Преплити, и людие рыбок неколико Принесоша, прочая яйца и млеко, В оскудении водном се нам велико. (Л. 118) Празник велий сотвори Господень Григорий, Яко прежде и тогда зараз бе Анехорий. Щучку большу пресече на четыри части, А другую надвое, только бе нам сласти. Третий карась, се в млеку согрея угодно, Всякому от нас ясти довольне свободно.

Борщь со белюжиною и со млеком тесто На трапезе имети, пространно бе место. Иных приспехов сласных не воспоминаю, Милости Божой себе во всяк час ожидаю. Во вечер, в той же день судны обретоша Водны, поднесши горе, щучку изнесоша. Празник з учреждения по всяк час бывает. Сия мине пишущу, рослу посилает Бог щуку, не едну, купно язя с нею, Довольны будем утро пищею сею, Аще будем во живых. Ныне благодарим, От всещедрой десницы множайших всегда зрим. Правда, есть пища нам по вся дни прискудна, И не хощем взирати истощеннии судна. О всем благословен Бог, в излишней скудости Не оставляет всегда нашей худости. По вся дни белюжина то в борщи, то в каши, Пищею таковою питаются наши. (Л. 118 об.) Ины хлеба не имеют, благодарят Бога, И нам, долго пловущим, дается невбога. Немощь наша излишных по вся дны требует, Едыною лишенны, долго негодует. Древных святых Божиих не воспоминаем, Мало чого не стает, зелне воздыхаем.

Некто старец пустинный, едын пребывая, В своей скудости многой в Бога уповая, Некто странный вопроси: «Что старец вкушает? Послушники или кто з брата приношает?» Отвеща всесмиренно: «Борщу в сей день согрехом». «Вчерашний день что вкусих?» — паки ему рех. «Кашу довольно яве с водою оваренну, Солию не излишне, в меру растворенну. В иный день борщ со кашею, паки в борщи кашу». Разсудым мы прилежно в пищи скудость нашу: По вся дни по милости Божой что вкушаем? Во борщи белюжину, болей вопрошаем. Но и каша с тою ж, но и сым недовольны, Вялу рыбку отмещем, аки бы невольны. Увы, едну седмицу ^а свежой не видали Рыбки, за се много слов во всяк день изношли. Белюга як не рыба, что мало растленна,

^а Исправлено, в рукописи: седцу.

Отвержденна от свежой, нечто есть изменна.

Чернеговских окунцов, щук больших не стало,

Прежде бехом довольны и гостем бывало.

(Л. 119) Ныне пришло до смаку, мало оставляет,

Воскоре последнии Григорий стощает.

Путь далекий предлежит, скоро претечеши,

«Во оскудении сухой подайте», — речеши.

О сем послежде писать будем, аще узрим скудость,

Твоей милости, Боже, предлагаем худость

Свою. Ты посылаешь птенцем враном пищу,

Аз Твоея милости едыноя ищу.

Пища и одежда мне, пребедну, довлеет,

Молю, в житии Твоя помощь да приспеет.

Празник без мученика где бывает?

Избудет всех бед, кто в Бога уповает.

Многа странна принесе день сей нам во вторник,

Не един воздохнув от бедных работнык.

Мы самы, взырающе, довле воздыхахом,

В надежде превелией ко Богу взывахом.

От утра до вечера многи преволоки,

От стран ко иной страны преходи шероки.

Бычовая завезена, бе не разлученны,

Една сухом, та водою, обе совокупленны.

Страх премногий, и трепет, и безмерный ужас.

Благословен Бог, в вечер приатнейший дал час,

На ночлег к тиху брегу все обще пристали,

Благодарствие Богу согласно воздали.

Вечер, утро, в полудне Тебе Бога славым,

В утренний день по Твоей милости управим.

(Л. 119 об.) Всегда зовем: даждь добру, о Христе, кончину,

О Марие, Часовой усмыри быстрину.

Всесвятая двоице, Марие и Христе,

Дево, помози, пошли помощь, Боже исте,

Мало что оставает реки Часовой,

Даруй здраво преплыти, зовем, рабы Твои.

В сей нас, бедных, помилуй, в помощь нам прибуди,

Виждь всех воздыханиа в плавании труды,

Сподобы нас во Царствие внийти Небесное.

В дому архиерейском житие пречестное

Даруй, сослужащих мне вознеси, прослави,

Да Ти поработаем всегда суще здравы.

Едыно взискуем Тебе угодити,

И по смерти с Тобою вечне в небе жити.

Там Тебе со аггелы святыми прославым,

Тобою укрепляеми, и зде не умалим.

ПУБЛИКАЦИИ

Великомученицы святой Евфимии В среду радостен празник, знайте, любимии: Она бо паче иных Церковь утвердыла, От шестисот тридесят Собор подкрепила, Рукою подписавши, собранний в Никеи 31. Кто не блажит, не славит зела славна сей, Всяк моляйся мних обрящет милость в ней. В нужно время самому мне бысть помощница И от явственной смерти избавительница. (Л. 120) Долженствую на всяк день ей благодарити, Непрестанно о вас во бедах молити, Да пошлет мне грешному в помощь Евфимию, От всех почитаему, везде славимую. Нужда ми бе к царствующему граду В делех обытели Свынской, да отраду Восприйму. Там на пути нечто прилучися, Советова друг ближний, рече: возвратися Для пути неугодна, монастирска дела, В ино время сохранит Бог, совершит цела, Идущим купно путем. Слове не разшираю, На реку Часову прилежно взираю. Преславна Евфимие, ты тогда избавы, Здраво нас чрез Часову к пристани доплавы. Тамо купно трапезу представыхом И, что Господь дарова, любезно вкусихом. Отъиде друг мой в свой путь, и аз немедленно Желах вслед его ити аз несокровенно. Некое прилучися в отчине дело, Евфимие святая, ты храни мя цело: Отшедшии бо от мене весма разслабленны, Скованы и связаны, нужно положенны. Аще бы мне тамо быти прилучися, Не еден бы со мною сущий прослезися. (Л. 120 об.) Твоя, Евфимие, возможе молитва, Удалися от мене чудесне ловитва. Тебе благодарствую, ты мя там заступи, Сохрани невредими на тогдашнем пути. И ныне всесмиренно тебе, дево, молю, Что ми подаст Господь Бог, радостен и приемлю. На последнем часове буды помощница, Здраво, цело до места добра наставница. Можешь всемилостиваго Бога умолити, До кончины житиа цела мя хранити. И ныне премногую милость тя взираю, Пред трапезою чункас едын доплаваю.

И река Часовая смиренна явися, Твоими молитвами Богу умилосердыся. Не оставит до конца своея благости, Да не будут попранны в реце наша кости. От сего нас сохрани и даждь совершити Часову, на пристаны судно оставити, Путь прияти тележный, видети Сиберску Страну, купно всех людей, живущих в Тобольску. Святая Евфимие, не мое се дело — Воля Божа, не желах, не скорблю в сем цело, Не противлюся всесвятейшой воле. Лучше бы в Чернегове пребывати доле, (Л. 121) Там помощию Бога место устроенно, Тебе хвалити, Бога весма покоенно. Последую твоему благоволению, О всехвальная дево, внемли молению, Вознеси свои руце до Иисуса Бога, Тебе дана благодать у Него премнога. Страна дальна без мери, и немощь явственна, Старостию и леты весма утружденна.

В пяток днешний не веми, что бедным принесе, О всесвятый Гаврииле 32, пошли со небесе Помощь во наставление в нужном плавании, Повседневном и долгом зде страховании. Чункасы не мерены: око мгновении, Пребезмерно долгии и растягненнии — Исчисляют водных пять верст и то не на воде, По лесном и пространном сухом добром ходе, В судне нам на Часове долги суть без меры. Боже, сподобы плавать, кто не имет веры. Две неделе и больши на ней пребываем, Даруй вскоре кончити, к Тебе возываем. День от дне Часовая вся умаляется И в жестоких быстрынах та умножается. Во страсе повседневном должны пребывати, Пристанища сухаго еще не видати. (Л. 121 об.) Предстатель Святой Троицы всесвятый Михаил Испущенной воды удобне воспятил, Не даде в Коласхае³³ Церквы спроврещися, Жестокость водна в ино место обратися. Враждебницы на Церковь святу посрамленны, В Церквы святой вернии радости исполненны. Святый Гаврииле, твой празник совершаем, Собери аггел в помощь, слезне упрошаем.

Возмогл святый Гаврииле воды удержати, Боже, нас сподобы здравых Часову кончати. Ваше едыно дело предстояти Богу, Пособствовати в пути ныне мне, убогу. Прибудите на помощь и жезл свой прострите, Быстротечну в Часове воду удержете; С прочиимы аггелы бедным пособствуйте, В плавании Часовой обще присутствуйте. В многом дерзновении предстоя престолу Едыносущной Троицы, призри на нас долу, Долго время страждущих глубочайши...а, Неудобь изреченны безмерны...⁶, Воспяты волны, бури в Часовой утиши, Возывающих к тебе воскоре услыши. Буды славимый от всех, святый архангеле, Предстоящий во вышных, славний Гаврииле. (Л. 122) Достигохом к трапезе во всем цели, здравы, Вечера достигнути стопи наша вправи. Но увы, неприятна грешнаго молитва, Распростреся ужасна пловущим ловитва. Часова изменися, распростре быстрины, Быстрие от морских волн подвиже глубыни. Во время вечернее на брезе явися Един, другий человек — всяк в нас усумнеся: «Откуду сии зде суть и почто странствуют, Кому на пустом месте и в чом пособствуют?» Вмале ины предсташа, тех недалече, Нас, страждущих в Часовой, ближае притече. Стояху же все равно пред нашими судны, Одеянны пречестно, ни в чесом не скудны. Егда нас Бог свободы, тии к нам прийдоша, Вечернее пение со нами прочтоша. От них же бяше един, святой обытели 34 Далматской архимандрыт, оба любытели Странных любезне приймат и послушание Исполняти усердно души в спасение. Ин игумен Иоаникий, Исаакий ³⁵, честный Архимандрыт, на словах и в деле нелестний. Коея рады вины тако пребывают^в? Кого ищут и кого зрети уповают? (Л. 122 об.) Известиша нам вскоре свое пришествие,

^а Далее одно слово написано неразборчиво.

⁶ Далее одно слово написано неразборчиво.

Вуква «е» в слове исправлена из буквы «и».

Воздохнуша без меры на наше странствие. Сицево же наше бе бедных страдание, На Часовой жестокой нужно плавание. Перебор на Часовой зельный прилучися, Волны тяжки имущи, всяк зде усумнеся. От едной страны реки в ину преходити По заводном канате — тако беды избыти. В помощь бяху бычевы две, прекрепки зело, В укрепление судну устроенны цело. Волнам возносящимся, една отторжеся, Послежде и другая бычева свержеся. Аще крепки, не ветхи бяху бычевие, Як солома от огня суть растерзанние. Кораблец на конате волны разбываху, Аможе не хотехом, тамо нас ношаху. Немедленно и канат в добром месте целом Сокрушися и сорвася, ужасны сим делом. Другий для ина судна бе приуготованний, Немедленно к нашему в помощь привязанний, Но и той не удержим волнам настоящим, Судно наше без меры там разбывающим. Вопияху на мене: «Изыйды воскоре». Не обращешь помощи, аще зриши горе. (Л. 123) Видим приближившуся в Часовой кончину, Наследиши воскоре смертную глубыну. Судно наше обрати и воспят понесе, Во правду погибли бы, ще не с небесе Помощь бе нам посланна на избавление, Тою укрепляеми, бысть раздрешение. Несравненно святаго Павла плавание, Трыжды в глубыне морской и пребывание 36 . Не довлеет мы слова ко исповеданию, Апостола святаго ко соравнению. Сих и не соравняю, но в память привожду, В утешение пишу своим бедам, сужду. Во дни святаго Павла корабль приразися Носом к брегу, кормило цело сохранися, Разбывашеся от волн, но бысть невредимо, Велиею нуждею бурами носимо³⁷. Зде случися: и како исторжеся кормило От своего си места, аки бы не было, Удалися от судна до зела далече; Прочиа тамо нужды кто довольно зрече. Судно вниз Часовой бурне устремися,

Едва от быстрын тяжких тамо не разбыся.

ПУБЛИКАЦИИ

Богу помогающу, на мелких каменех Мало что удержася, аки на раменех, (Л. 123 об.) Носом ко брегу приста. Тогда работники, Сущии в обох суднах, бедных любовники, Кормило привлекоша, на судно вложиша, Судно вервми крепкими сильне оцепиша, Влеку к близку брегу своими руками, По жестоких каменех ходяще ногами. О архаггеле, твоя избави нас сила И от видымой смерти здравых нас носила. Благословен Господь Бог, даровавый помощь Твоим заступлением, труд наш не б там тощь. Избавльшеся от буры и истопления, Благодарим, Господу вносим моления. Не оставляй до конца, от нас не удали Милости, помощи. Мы всегда уповали На тебе, всескораго в бедах заступника, В нуждах призывающим всегда помощьника. День суботний не тако в Часовой страдахом, Едножды токмо канат прерванный взирахом. Недолго в беде бехом, удобь удержася Судно во плавании, иным привязася Пособием. О Дево, Пречистая Мати, Ты Сама изволила волны удержати. Безбедно день суботний в честь Ты совершися³⁸, Не постидится той, кто в Тебе утвердися^а. (Л. 124) Сыла Твоя велика и предивна помощь, Никто же, притекаяй к Тебе, отъиде тощь, Но просит благодати, дар всегда приемлет, Избавление от бед, як сладость, объемлет. Вся Ти повинуются, вся Ти возможеши, Волны усмираются, егда восхощеши. Въскоре будет тишина, море волны станут, Волнения удержат, веяти престанут. Твое заступление, о всепетая Мати, На Часовой изволи тишину подати. От ведомих смертей Ты, Дево, избавила, Быстротечение волны удобь воспятила. Кто бы нас от толиких бед когда избавил, И доныне свободны Твой кров нас сохранил. Во градущее время Ты упование, Тобою укрепляем, скончу плавание.

^а Буква «в» в слове исправлена из буквы «о».

Нетрудно и безбедно узрю пристанище,

Ты мне всенадежное всегда прибежище.

Реку радостным сердцем, Благодарственная,

Воспою: о радуйся, обрадованная.

Прийми песни з устен скверных и нечистых,

Даждь наследие приат рабов Твоих истых.

Яко очи рабыня господ своих в руках,

Так очи наши к Тебе, сущих в речных муках.

(Л. 124 об.) Избави настоящих бед, Пречистая Мати,

Радостно Ты готовы благодарствовати,

Не едным токмо словом, но и самим делом

Обещаем сотворить в разуме всецелом.

В день воскресний, недельний плити начинаем,

Святаго Владимира празник совершаем 39

Воскресения ради и Богородицы,

Святаго празнуема. К Божией десницы

Припадаем усердно, низко и смиренно:

Сподобы нас, страждущих, доплить неврежденно.

Ныне приближается Часова к кончине,

Помощи не удали в последней године.

Даруй днесь достигнути к брегу желаему,

Потерпи окаянству до конца моему.

Аще бо безчисленно до конца согрешаю,

Тебе Бога моего аз не отступаю.

Аще в немощной плоти многажды каюся,

Пред создателем моим ложь обретаюся.

Ты, милосердний Боже, не воздаждь по делом,

Но по Своей милости. В здравии всецелом

Грешнаго мя сохрани. Молит Тя Пречиста,

Ходатайца рода нашего всеиста.

На молитву Матерню ныне преклонися,

О мне, припадающем, умилостивися.

(Л. 125) Достигши пристанища, восхвалю Тя, Боже,

Песнь благодарственную реку Ти, Госпоже.

Святый Владымиру, твой празник совершаем,

Едно воздыхание — службы не слушаем.

Елико возможно нам бе, величение

Пехом з славословием. Даждь докончание

Плавание в Часовой, изволь усмирити

Буры безвременние, волны сокротити.

Во градущее время в твой празник желаю

Литургию имети, к тебе возываю:

К Богу, Богородицы о мне помолися

И на милосердие ти сам подвигнися.

Услыши молящася, помяни сроднаго

ПУБЛИКАЦИИ

^аБлагочестива царя, тебе сороднаго^а, От твоего корене Петра исходяща, В вере, благочестии ти подражающа. Виждь царско усердие, всегдашние труды, Покрый, заступай, храни, в помощь ему буды, За славу царь Божию и Пречистой Девы И Церковь труждается. Молитвы тщаливы Твои да пособствуют Петру государу, Сродному ты, нашему православному цару, Егда трудами честь твоя везде, слава Умножается. Царю венчается глава, Егда приймет Царыград, турчина низложит, Себе царство и тебе пение умножит, (Л. 125 об.) Сам Бог от царя Петра трудов прославится И Пречистой Марии, твоя возвеселится Всесвятейшая душа. Предстоя престолу Троичну, призри на царя Петра еще долу, Суща труждающася, крепко и усердно, Пособствуй и сохраняй везде и невредно. Сподобы с победою к нам возвратитися, Со сыном Алексеем возвеселитися, Салтана скованна и з собою привезти. Плененных от турчина свободно извести. О сем все воздыхаем и усердно просим: «Пособи царю Петру, – плачевны возносим Гласы, – даруй воскоре вся сия нам зрети, За твое призрение всем благодарити».

Обще возываем, О Всещедрый Боже, Турка сокрушити, Веру бесорманску, Весма истребыти, Обладати всею Дати Палестину, Христов свободивши Мерзския мечети, Жити многолетно, (Л. 126) Да не оскудеет, Царство разширится, В турском Цариграде. Многолетно, здраво, К Тебе припадаем.
Твоя сила може
Царю покорити.
Лживу махметанску
Правду вкоренити.
Турскою землею,
Царевы едыну,
Гроб, разрушивши
Церкви поставити,
Царствовать столетно.
В род и род успеет,
И сын воцарится
Поживет во граде
Совершит все право

^{а а} Написано на полях.

Во честь и славу Божию, в свое спасение, Царского всего рода во прославление. О Владимере, твоя молитва потребна, Виждь государя Петра в житии беззлобна, Помози и сохрани везде и всецела, Даждь добру кончыну зрети всякаго и дела. На нас призри пловущих, помози потщися, Да речем днесь: «Часова добре совершися». Но Часова своего ныне течения Не измени. Быхом близ опровержения: Принесе нас к каменю, мало покровенну Водою, на^а пагубу як бы положенну. Злое защищение в добро обратися, Недалече камени к песку приразися. Судно на долго время ста там недвыжимо, Благословен Бог, яко нечим невредимо. Вещей, в нем лежащих, не метахом в воду, Тихо зшедши от судна, все яхомся ходу, Пеши по брегу к месту в путь, нам предложенну. Течению Часовой зело умноженну, (Л. 126 об.) Принужденны трудники судно облегчити, Нужная и тяжчайша оттуду зносити. Мы же, вся оставивши, во путь предложенный Идохом благодарне, аще продолженний. Неколико прешедши верст, странна стретохом, На коне седящаго, и и вопросихом: «Кто, откуду и камо грядет в странном виде, Не мужески одеян, ни в мужеском следе?» Отвеща нам, не яко прочии человецы, Такова не видехом на путном сем веце. Не простирающе слов, Ефрема⁴⁰ святаго Помянухом, брениа мало⁶ причастнаго, Кирпича ко оконцу на заграждение, Творихом в смирении свое хождение. Мало прешедши пути, на коне ездяща Человека^в нарочита, нас прилежно зряща. Воскоре зседе с коня и нас приветствова, Смыренний дозела, испусти к нам слова, Позна нас странствующих от одеяния, Божиа в нас желая благословения. Паки на лошадь седе, пред нами скорее

^а В слове буква «н» исправлена из буквы «а».

⁶ Слово написано над строкой.

³ Так в рукописи.

ПУБЛИКАЦИИ

Тече в предлежащий путь. Не ждахом более От того человека к нам возвращения, Держахомся своего в пути правления. (Л. 127) Малу часу прешедшу, иных двох узрехом Старцов честных в седынах. Меж собою рехом: «Спасет их Господь, странным любовь изъявляют, На пути нам нижайший поклон простирают». Бяху те, иже прежде на пути стретоша, Яко тогда, и ныне тожде принесоша. Ничто же по толиком пути далечайшом, По воде нам пловущим в разнствии множайшом, Не имехом з любви их, чим уст оросити, Судно назаде оста, а не купити. Не чудо, яко сии ничто же имяху, Чрез долгое бо время сами пребываху, Нас ожидающе зде. Иное снедоша, Иное, что имели, служащим дадоша. И едва ко вечеру судна к нам прибыли, Целых, невредных зряще, все благодарствили. Ставши же на пристаны на препитание, От судов изнесохом не учреждение: Пиво, мед и прочая, едико потреба. Сподобы ярославских людей, Боже, неба, В отшествии бо нашем господин Коровин Стефан Ияковлевичь 41, преславний дворанин, Даде дельву большую пива израднаго, К вседневну вкушению зело угоднаго. Чрез весь путь не оскуде и не истощися, Не окисе на воде, всякий удовлися. (Л. 127 об.) Аще благочестиви ина приношаху, Наданна в Ярославлю для мене держаху. Тако реки прешедше, на пристани стахом, Потребная по пути обще собырахом. До чердесят коней з собою пригнали, Но и еще поизду больша ожидали. Извествующе, яко дьяк имеет быти З Тобольска от приказу духовна, носити З собою вся потребна со всяким довольством И воскоре прибудет з любезным приветством. Пребыхом николико дней ожидающе, Небезбедно в пустины все пребывающе. Закосневшу дьяку, Бог посла человека, Достойна воистинну аггельскаго лика, Егоже бе и земля, идеже стояхом. На пришествие дьяка все прилежно зряхом,

Но господин Иакинф Никитич 42 прозванний, На странных в прибежище о Бога избранный, Присла подвод пятьдесят и с ними телеги. Двоколесни точию бяху там, подвиги Певчим, служкам, всем сущим или положити Вещи, ли самим сести. Начаша тужити, Но и сим благодарны, Боже, благослови Господина Иакинфа. Множайшими слови (Л. 128) Величаху беднии и собирашася, На телеги присланны и радовашася, Як сух путь узреша, судна оставляют, Богу благодарствуют, и все прославляют Иакинфа Никитича. И тако идоша, Благодарении все Богу принесоша, Моляще о здравии и о спасении: Иакинф да вселитси в райском селении, Приемлет воздаяние за милость сторично И что есть господскому имени прилично. Мы, в пустине живуще, чрез долгое время Благодарне носяще всенужное бремя Наподобие Ноя, радости сполненны, В благодарственны мольбы всяк день умноженны, От толиких бо смертей избавлены бехом, Всегда умирающе, многажды возрехом Горе, отнюду помощь бедным прихождаше, Оставляюще судна, всяк благодаряше. Кое убо принесем Господу пение, От устен многославных кое хваление? Буды имя Господне от века до века От всей твари славимо и от человека. Наипаче, яко явил ко мне Свою милость, Излиял изобыльно незреченну благость. Сподобыл здраво преити стремнины жестоки, Во своем течении без мери шероки. (Л. 128 об.) О, кто бы ми даровал вознести, як трубу Глас? Да принесу Христу Богу песнь трегубу: Свят, свят, свят Бог Саваоф. Отныне во вся роды. Буду благодарити во вся дни и вся годы И до смерти невмолчу, славить не престану, Донеле Тебе, Христе, одесну предстану. Сподоби мя пребедна, сподобы мя грешна, Як на воде, на сусе сотвори поспешна. Даждь пребыты без нужды и без всякой скорби, Удали препятия и бесовски борьбы. Яко бо лев рыкает, искай поглотити,

Препятие на добра дела сотворити. Сила моя немощна ко Тебе взирает, Неуставающие молитвы простирает. И на пути помози, и здраво донеси Ко престолу Тобольску. Сподобы в небеси Вечне с Тобою жити, тамо Тя хвалити, Предлежащий без вреда путь здраво пребыти. Но и еще доселе дьяка не взираем С поиздом, в терпении возов ожидаем. Чающе от него все не тощна приходу, Насладимся довольны принесенна плоду. Не по коликих днех, мню, и близко седмици При помощи всегдашней Вышняго десницы (Л. 129) С поиздом не приятним нескоро явися. Всякий, его взирая, зело удивися. Палубы и телеги некии принесе, А что в ных положено, простирать словесе Не подобает ныне, зазорно молчати, Обаче не имею чесого писати. Однако ж предложу сие во извещение Читающим, слышащим на утешение. Хлеба, пива ни мало, медку не бывало, Чарки водки не спрашуй, аще подобало И ино что принести странствующим в воде, Бедствующим во бедах в множайшем ходе. Аще бы мы своего в судне не имели, Пришедшии к нам в помощь гладом бы истлелы. О том умолчим, едва в дому что оставил, Ко излишнему слову бедна мя исправил. От печали премногой пошумел маленько, А як праведно рещи, инде голосненко. Зело бо бе печально не о хлебе, пиве, Ниже о иных вешех, сие нам не в диве.— Иное бы покисло, аще бы и взяли, Ибо далечайший путь з возами приали. То печаль и немала: не в чом поихати, А на тележки простой стидно вандровати, (Л. 129 об.) Более бо не было: только колесничка З заду мало покрита, яко для старичка. А лес без меры густый, блатный^а, коренистий, Як бы на мучение зготован, нечистый. Уселе был в тележенку на малое время,

^а В слове буква «а» исправлена из буквы «я».

Бьет, толчет, трасет, теснит, яко злое племя. Аще путь и пространний местами обращешь, Но увы и воплем тяжким велегласно речешь. Едно в телезе тесно, и язвы на нозе, Яже ношах з собою во болезни мнозе. Неудобно в тележце самому сидети, Ногою бо, як здравый, не могох владети. Отвсюду тесно, скорбно и печально зело, Что сотворити весма неудобно дело. Посидевши в тележце, принужден изийти, Пеш больною ногою при тележце ити. Пречестный архимандрит далматский Исаак Име верхову лошадь, яко древний юнак, Ведяху просту пред ным, для него держаху. «Чия лошадь?» — вопросих, сести не браняху. Не в обычай по водном пути больну дело: Вземши лошадь и седох, аще стыдно зело. Забыв болезны ножной, преидох путь немалий, Архиерею прежде в дому не бывалий. (Л. 130) Милостивое слово пред очи представлях, Болесть свою Господу во сердце изъявлях, Ожидая Вышняго в болезни прохлади. От государя царя по скорбы отради. Вся долготерпеливне несох в терпении, На коне пребых долгое время в яждении. От утра до полудня сидях неизменно, На коне трасовичном несох всерадостно. Между сим ко вечеру день прекланяшеся, Ясти время прилично всем исполнящеся. Все бяху со мною охотни вкусити, Повелех немедленно вся приготовити. Радостне исполниша все повеление, Совокупиша дрова, ястей в варение. Но повар с нами не бе, далече оставлен, Телега сокрушенна и сам не исправлен. С прочиими закосне на долгое время, Без хлеба в весь день несох як сладкое бремя. Ганяй, ищи повара. Против рожну прати Невозможно. Як хощет Бог, так пребывати Долженствуем, носити з благодарением Во всяком прилучаю, з многим терпением. Со Павлом апостолом должно возгласити, Беды в реках, на пути ⁴³, се усугубити. (Л. 130 об.) Премного бо страдахом в долгом плавании, По вся дны измененном там пребывании.

Тамо смерть пред очима по всяк час взырахом, Зде на земли без хлеба обще пребывахом. Но в прилучшихся скорбех не бе и едына Отраду нам творяше добрая годына. Аще не скоро приспе возок со нужнимы К ястию, и питию благопотребнимы. Забыхом мимошедшей все обще печали, К трапезе потребная готовить начали. Во всех сих поскорбех той день нимало, Известен бо бех, яко болезнем начало — Путь нам нужный предлежит. Должно шествовати, Чрез долго время не лет в лесе пребывати. Уповающих нас Бог не оставляет, Нужды все, яко весть, удобь исправляет И нам поспешествова по Своей благости, Не удали от бедных прещедрой милости. Удобне неудобна воскоре прейдохом, Идеже воз покритый стоит, там прийдохом. Ибо господин дьяк воз в заводех остави, К нам донесе тележку, нас в беду управи. Но вся сладка, любезна рады приятия **Парствия** Небеснаго, наша объятия (Л. 131) Простираем радостне на получение Вечна воздаяния. Здешне селение Вменяем ни во что же, горных всеусердно Ищем прилежно, а зде хощем жить невредно. Узревши бо карету, добре устроенну, Благопотребне, красну, весма умноженну, Возгласих: «Откуду се, како семо прийде?» Ибо сия с катедре Чернеговской зыйде: Невдавне, мимошедших времен аз даровах, З лошадми нарочити в Батурин⁴⁴ ю послах. Александр Данилович⁴⁵ егда светлейший, Царского величества вождь славный звирхнейший, Со множеством воинства в Чернегов явися, Мужеством и разумом весма прославися. При его присутствии карета посланна, Честну митрополиту Филофею ⁴⁶ данна. Божии судбы весма не исповедими, Ныне моима бяху очима зде зрими. В сем неудобном пути во своей же карете Сподобыхся по нужде покойно сидети. Прежде прежняго текох путем предлежащим, Иным радующимся, благодарне зрящим, Множае не видехом тамо препятия.

В стретение господин Иакинф в объятия (Л. 131 об.) Зыйде, хотя прияти во своему дому, Поклонися смиренно (так прежде всякому Обыче изъявляти сам поклонение). Нам сотвори прилежно о сем моление, Желая нас во своем всех здравых видети. Сам, стояще, нас проси, да изволим сидети, Тако в субботу рано з домашнимы стрете. Благодать у Господа, молю, да обрете, Достоин воистинну Божией милости, Да пошлет ему Христос з небесной сладости, Благословит везде от тука и масти, Упитает, насытит незреченной сласти. Прещедру его руку не лет исповести, О Христе Царю, даруй ему в небе сести, За его многу любовь и подаяния Пошли ему духовна вся дарования, Благопотребная даждь, лет долготу приложи, День от дне разширая, вся блага умножи, Препокой довольно. Вожделе видети, В церкви, вновь построенной, служение мети. Сам аз сих желах зело, и Бог мя сподобы. Да поживет Иакинф без всякоя злобы. Наипаче в епархии на первой пристаны, Аще спутешествующи не совсем собранны, (Л. 132) Яже убо Божиа Богу и воздахом, Усердно во молитве благодарствовахом, Яко удостоил нас без вреда пребыти Толик путь неудобний. Сподобыл служити В день воскресний в храме Преображениа Господня, Иакинфа красна строения. Воздах за прешествие благодарение Богу, сохраншему мя, прострох моление О благочестивейшем православном царе, Всеросийском монарсе, славном государе, Всеусердно, прилежно моля о победе, По служении тожде рекох при обеде. В дому бо и господском жихом две неделе, И по щедротам его в него пили, ели, Довольно бе рыбами, питием различным, Архиерею и с ним всячески приличным. Егда же приспе время нам путешествовати, Изволи потребная в путь нам даровати Изобыльно, нескудно хлеба, рыб, подводы, Всякой не отрече мне и моим выгоды.

Доброхотне принесе косяк ми лудану⁴⁷, Не возмогох отрещи, як з неба посланну. Иных не исчисляю, елика принесе, Пошли ему, Господы, благодать с небесе. (Л. 132 об.) Старость отца честна и подкрепи и утверды, А сына маленкаго в здравии невреды Сохраняй цела, даруй возраст совершенний, Изъяви дом Иакинфа во всем умноженний. Отца з сыном соблюды и всех благослови, Деда з внуком, желаю сердцем, купно словы. Впредь любовь, милость его будет незабвенна, Пред всеми от нас везде гласно прославленна. Сам Господь Бог его дом на земли прославит, По прешествии земном одесну поставит Себе в Царстве Небесном. По долгом житии 3 отцем сын, внук вселится во вечном бытии. Зшедши убо от него, добре шествовахом, Везде довольни во всем во вся дни пребывахом. Подводы готовии всегда ожидали, В пищи благопотребна доброхотне дали. Провождали любезне, радостне стретали, Чающе, пришествия скора ожидали. И тако по всех весех и селах творяху, Инъде лисы, соболе, прочая приношаху. А соболей всех един иерей Петр даровал, Себе бедна, убога пред всеми сказовал. Лисов четыри, черный едын между всеми, Болей не приносили, доволен бех теми.

(Л. 133) Архимандрита далматска забых написати, На заводе даст косяк зволи обещати. Быти благоприятным и любовь имети, Не закосных честности и благодарити. Не даяния ищу, но братской милости, Желая себе, прочиим Божией милости. Шествующа по пути во всем благочестно, Приймаху мя нелестно, даруй им Небесно Царство. Даже до отчин тобольскаго дому Кланяхуся все обще, як исту своему Архиерею. Правда, отчина велика, Людей многое число, но скудость толика. Хлеба взаим четвертей сколько сот набрали, Целовалники с ними роспись нам подали: На еству, на семена болей еще просят, И то, вземши, изъядят, а иние зносят.

Замедлевши маленко, се разсмотрению Подах приказным людем по намерению. Того ж дня идох во путь, не медля нимало, И делати нечого, так и подобало. Челобытье едыно все обретается: «Пожалуй...^а прости»,— всяк прекланяется. Но аще и убоги, и до зела скудны, Но в сем со прыказними явишася разсудны. (Л. 133 об.) Два косяка принесли со поклонением, Да не отрину, прийму, з многим молением. Як творят, и мы знаем: «Да к чому приймете, Не надобе что мало, в телегу бросите». Помилуй их, Господь Бог, и се пригодится, Кто в мене приймет, о мне Богу помолится. Сокровищует человек, кому собырает, Не весть, на чужда иный руку простирает. Не вместих Феодора выжей написати, И он зволил на пути косяк зрадний дати. Первее нас на пути стрете з смирением, Паки изыйде с чады з многим прошением. Немедля оттоль идох в путь, нам предлежащий. Буды ему хранитель везде над ним бдящий Аггел, во всем житии на сохранение, Жития его честна на управление.

В малих днех достигохом ко граду Тумене 48. А прежде пяти верст поминаем ныне: Даниил Степановичь Копиев ⁴⁹ нареченный, Со многими гражд[ан]ы будь благословенний, Там маленко посиде и побеседова, Отъиде. Князь Василий Мещерский 50 дарова Любезно стретение з сыном и инимы Гражданы нарочити, зело смиреннимы. (Л. 134) З духовна чина никто нам во стретение Не изийде. Нам же есть приобретение⁶ Братская любовь; над богатства многа За любовь подается от Бога невбога. На предградии самом протопоп явися В рызах со всем собором, як долг, поклонися. Преосвященний схимник против обители⁵¹ Стрете со братиею и вси любытели, По благоразумию приветствова красне,

^а Далее одно слово написано неразборчиво.

⁶ Исправлено, в рукописи: приобрибретение.

Мне слышати и иным во всем бе сладостне. Вшедши убо во обытель, вси благодарихом, Поклон Богу, молитву обще сотворихом. Пред празником Христова Преображения 52 Сподобыхся во граде в церквы служения. Господин и комендант возва нас до дому Преславна государа, не мне единому Честь сотвори, прочиим, со мною там бывшим, Довольно всех поччова, в дом господский вшедшим. Сам — косяк, жена другий, а сын две лисице, Даруй, Боже, вся блага от Своей деснице. Мене отпусти, прочиих умоли вкусити Хлеба, в дому монаршом довле учредити. Изволи до вечера любовь изъявляти, Не престаем и милость долго прославляти. (Л. 134 об.) И в обытель многажды рыби присилаше, Сам и з сыном маленьким не тощь посещаше. Вторицею взываю Господа десницу, Сохрани со всем домом, як ока зеницу. Свойственных благослови, здравие всецело Даруй и всякое благослови их дело. На Христово Господне Преображение О православном царе творих моление. Як на горе Фаворстей древле глас слышанний Бе: «Се Сын возлюбленний, от Мене посланний» 53,— Тожде о царе Петре да речется ныне. Благословенний царь Петр во всяк час и годыне, Возлюбленний есть Богу и всем человеком, Возвестися и слава всем последним веком. Вся бо, елика творит, есть Богу угодно, Сердце царя содержит, як Ему свободно. Слышит бо Бог от царя: «Сердце ми готово, Готово, к Тебе, Боже». Сокращаю слово, К судну собыраюся, время приближися В путь ити предлежащий, о сем всяк потщися. Еще неколико дней, тамо закоснехом^а, Благословных рады вын мало поскорбехом. Многи скорбы праведным, а мне безчисленны, Грешну. Благонадежен: будут сокращенны, (Л. 135) Силен Христос Господь Бог ко искушением Послать избитие нам с прославлением. На Его всесвятую милость уповаю, Восприемля путь водный, к Нему возываю.

^а Исправлено, в рукописи: закоснеснехом.

Христе Боже, Ты тожде ныне, вчера, в веки,

В незреченной благости храни нас, человеки.

Изливаешь благодать, сохраняешь целых,

Снабдеваеши всегда, як плодов дозрелых.

Последний нам пути предлежит поприще,

Ты нам упование, Ты и прибежище.

Тобою укрепляеми, на судно вседаем,

Пред Твоим величеством к земли припадаем.

Укроти волны, буры, даруй нам тишину,

Сподобы водна пути видети кончину.

Волнений мимошедших многих забываем,

Тихо, небурно кончить на Тя уповаем.

От Тюмене отшедши, добро плавание

Имехом, безмятежно вси пребывание.

Токмо в день еден, волнам зелным востающим,

Пребыхом в едном месте, непопущающим

Далей иты. Не без нужды бе закоснение,

В хладе, буре и ветре всем замедление.

Не так ветры, як пловцы, сие сотвориша,

Не нас, но самых себе паче повредиша.

(Л. 135 об.) Мним, чаяли от странных нас нечто взяти,

Изволили при брезе гладны постояти.

Обутревши, пойдоша весма неврежденно,

Плавающе темижде ветры умиренно.

На пути нас стретаху свои и чуждии,

Приношаху потребна, бехом не нужнии.

Вначале обытели тюменской жители,

Добра слова и лгати присных искатели,

Челобытну дадоша и с подаянием

Прошаху си отраду з прылежним тщанием.

Но время бе нужное дело управляти,

А что нам принесоща, велехом прияти.

К дню воскресну⁵⁴ присташа в Покровской деревне,

Архиерейски живут крестьяне там древни.

Иерей литургию потщася имети,

Но вина церковнаго нельзя вкусити,

Ибо не вино бо бе там, но неко смешение,

Являющее з ягод. Само вкушение

Совести их предахом, вино изменихом,

Чашу довольну дахом, путь свой восприяхом.

Везде благополучное бе нам плавание,

До самаго Тобольска бе пребывание.

Стрете нас дьяк Григорый от всего собора,

Дому архиерейска преславнаго двора,

(Л. 136) Не тощь прийде. Боже, его благослови,

Сердцем любо устнами умножаю слови. Принесе хлеб, рыбы, два косяки лудану. Не требует Иоан, вземлет, як подану З неба, со веселием о всем благодаря, Благодарствуя Богу и моля за царя. Милостиво бо слово ко совершению Приближается царя ко исполнению. Михаило Самуиловичь, дьяк, возвратися, Откуду прийде, наше судно приближися К Табольску сиберску в день четырнадесятый ⁵⁵. Прежде Яковлевич дьяк от нас бе приятий Григорий, не явися тощь. В граде Тюмене Прежде его блажихом, будем блажить ныне. Впредь, аще Бог хощет и живы пребудем, Добро ему творити всегда не забудем. Даде от себе косяк, зять его лисицу, Да узрит си простерту Божию десницу. Косяк бе большой руки, а лисица черна, Да будет ему от Бога вся умноженна. Прочиих зде умолчим, благодарим Бога, Подавших всех не лиши небесна чертога. И азе от всех приемлю, но не удержую: Просящим доброхотне радостен дарствую. (Л. 136 об.) Помяни, Боже, давших, даждь многа лета. Мне, входящу во Тобольску, велика совета Пристави архаггела, мя наставляюща, Житие мое бедно все им правляюща. Странен бо есмь, во всем не искусен, Ко правлению людеме умом не доволен, Быть тому так, яко предвыденно Богу, По временных небесна сподобы чертогу. Ты благоволил, Боже, Ты тако изволил, Ты государю царю по сердцу положил. Ты ми даровал дойти до Тобольска града, Тебе прелюбезнаго преизрадна стата. Твое дело, о Дево, Ты ми помощница, От Костроми явися добра наставница. Там Тебе мене предах; но и от начала, Изшедши з Чернегова, Ты мя спомагала. Сподобыла доплынуть к Своей обытели, Нареченной Знаменской⁵⁶, где вси любытели Живут Твою имени при реце Тоболе. Прочее душа моя, ни сердце поболе. В навечерие убо Твоего Успения, О Всесвятая Мати, зрехом селения

Твоея обытели, но в ню не внийдохом, До всенощного в судне покойно пребыхом.

(Л. 137) Благородный господин Иван Фомич⁵⁷ прийде З иными начальники и до судна внийде. Маленко побеседова, паки возвратися. Боже, их благослови, далече трудыся. Всечестный архимандрыт Филарет 58 посети, Обытели Знаменской любезно возвести Настоящу вечерню, и всех приветствова, Рыбы довле принесе, и мене дарствова. Принесенных мы даров зде не исчисляю, О Пресвятая Дево, Тебе прославляю. Благодарен, любвы Ты сердце исправила, Отца архимандрыта к любвы возбудила. Ты мене сохранила в водном плавании, От буры, ветров хранила во пребывании. Едва кто от болети в суднах обретеся Цел, а мое сердце нимало смятеся, Болестей избавляла, в страху укрепляла, На Тя уповающа добре наставляла. Пред пречистим образом в царствующем граде, Федоровскым реченным, в премногой отраде Соверших литургию, в Костроме вручихся, На плавание водное вскоре пустихся. Твоему предстательству и заступлению И ныне Ты таяжде внемли молению. (Л. 137 об.) В Твой празник Успения вхожду во обытель На всенощно пения, хощу быть служитель Божественной литургии во храме всечестном Успения Твоего, подобном небесном. Тако и бысть, в утрее весь град подвыжеся Любезно к обытели, радостне простреся. Немедленно приат путь и со всем собором Духовным, всем согласным, як аггельским хором. Нужно бе в путешествии на гору высоку Иты в одеянии, без меры шероку, Но Господь крепость даде, удобне зыйдохом. З освящения воды во церковь внийдохом, По обыкновению древню служение Совершивши, о царе нашем моление, Преславном царевичи и о всей полате Царскаго величества, да живет в злате, Многожеланном мире на премного лета, Сохраняем аггелом велика совета.

Сего на всяком месте усердне желаю, На пути, в пристанищи — везде припадаю. Твое есть дело, Дево, царя покривати, Во всяком деле царском свышше снабдевати. Покрый убо, о Мати, благоверна царя Петра, всея России славна государя. (Л. 138) Даруй ему здравие, дражайше богатства, Буды хранительница всего его царства, Под Твоих крил покровом да возвеселится, З любезнейшим сыном везде прославится. Не аз еден, весь Тобольск желает усердно: Великий государь Петр да живет невредно. Сих по всяк час желая, к Тебе возиваю, Пречистая Марие, на Тя уповаю. Приях иноческий чин в Твоей обытели Печерской, амо живут мудры учители. Тобою наставляем, бых в послушании Перво в трапези, потом в проповедании. Тамо есть всечестный храм Твоего Успения, Оттоль послан до Свынска рады правления. И там в имя Успения церковь поставленна, Древных царей обытель красне устроенна. Пятьнадесят лет пожих, чрез Тя наставляем, Невредно и всецело всегда сохраняем. Колико зъявися там украшение Свята имени Твоего^а на прославление, Кто прежде в обители и ныне бывает, Яве зрит богатство, Тебе величает. Самаго сребра четыри ⁶ пуды в строении, Икон святых и лямпад в украшении; (Л. 138 об.) Филонов, и стихаров, и утварей иных Не пишу, и отчин премногих купленных: За едыну тысящу рублей мною дано, За ину менши. Обы не было попрано За мое тщеславие, но не ищу славы Моей, но Твоей, Дево; мои злии нравы Достойны огня вечна. Твоя мя благодать Укрепляла в трудех, зде готова мне подать. Благонадежен: даси, як там подавала, Чрез мя немощна имя Свое величала. Молю вас, читателю, сами разсмотрете,

^а Исправлено, в рукописи: твого.

⁶ В слове буква «е» исправлена из буквы «и».

За помощь, мне явленну, Пречисту славете. По книгах в казне приях триста рублей денег, Оставых три тысящи наличных готових. Каменна строения зде не воспоминаю, За труды умноженны свышше ожидаю Мзды, яже и приах не по достоинству: З архимандрии взятий ко архиерейству. Архимандрыт елецкий бех во Успении Храме и обытели в кратком пожитии, Но и там, о Марие, Твое прославляю Имя, чрез мя Тобою всем возвеличаю. В архиерейский престол вскоре преселенний, Во девятьдесят седмом году поставленний (Л. 139) Во царствующем граде, в храме Успения. В Чернегов возвратихся, в Твоя селения — Там храм Рождества Твоего устроенний, Ты при житии моем зриши украшенний. Да не буду без ума, аще похвалюся, Не ищу славы моей, в Тебе прославлюся. Вся бо, елико творю, чрез Тя укрепляем, Творю Тобою, Дево, везде прославляем. Счисляти же пристилно, что там сотворися. Ты Сама, о Пречиста Дево, прославися. Правда есть: на престоле Чернеговском приях Червоных и денег много властительно объях. Но советом творих и повелением Старейших начальников и послужением. В Киев митрополите дах шестьсот червоных, Игуменом по десять, многочислых во иных Евфимнов 59 раздалося по всякому чину, Не токмо при погребе, но в ину годину. Рука, полна пенязей, простреся на нищих, Никто не зре входящих и исходящих тщих. Мню, три тысящи рублей тогда истощися, Три тысящи червоных еще оставися В сокровищи церковном. Се в прославление Пишу Твое, о Мати, не в величание. (Л. 139 об.) Что же во дни моего тамо служения Построися во славу и возвышения Твоего^а свята имени, о Марие Мати, Молю, не лиши мене, бедна, благодати. Что же застах пенязей, мню, больш, неже вдвое,

^а Исправлено, в рукописи: твого.

Оставих в Чернегове. Буды имя Твое Хвально и прославленно, о Марие Дево, Не удали милости, вопию тщаливо. Всяк взирает, колико в сребре устроенно, В строении каменном везде умноженно, Колико купих прудов, иных недвыжимых Угодий, и возвратих катедре лишимых. За едын пруд друкарский тысяща дадеся Евфимков, двесте рублей еще препошлеся. И иных иждывений не воспоминаю, Благодарствуя, Тебе, Дево, припадаю. Не аз творих, Ты, Дево, Твоя сильна помощь, Во всем житии моем не обретохся тощь. До животна печаль есть и всегда пребудет, Разве по смерти душа грешная забудет? Пруды в Ямполе⁶⁰ граде бяху мне наданны И уневерсалами двома утвержденны. Но коей ради выни из дому отъяти Архиерейска, аще зело суть прияты. (Л. 140) О ных трудихся чрез все там пребывание, Твоя помощь послеши мети владение. Но увы мне, без всякой вины отшетихся. Многочисленна хлеба, о Мати, лишихся. Ты вся веси, Ты дала и пособствовала, Своим попущением Ты Сама лишила, Сильна еси, елика хощешь, сотворити, Благоволишь и пруды сия возвратити. Двое уневерсалов тамо оставленны, Надежен, о Марие, будут возвращенны. Исправиши Ты сердца, яко восхощеши, А мне, трудывшемуся, во грех не вмениши. Доволен благодарен Твоея милости, И зде не удалиши Своея благости. Не от лакомства исках и премного желах, Звание мое всегда, везде исполнях. Кто яви препятие в трудах, владении, Да будет в своем житии и пребывании Богом, Тобою, Мати, всяк благословений, На земли умноженний, в небе прославлений. Довлеет пятьнадесят лет там потрудыхся, В архиерейских благих дому насладыхся. Оставых три тысящи червоных готовых, В архиерейской казне не мею таковых. (Л. 140 об.) Довлеет ми маленько во Свинску собранных От людей, а наипаче от Тебе мне данных.

Что оста в Чернегове, всех не воспоминаю, Пошли, Боже, пастира ему⁶¹, прекланяю Главу, молитв прошу, грешна не забуды, Не похули немощна за бездельны труды. Что добраго узриши, Марию прослави, Не отлучшия от мене пути Своя прави. Близ десяти сакосов в дому оставленно, Израдных и богатых, зде не обретенно. Сладце мимошедшая зде воспоминаю, Помощию Девы зде лучших уповаю, Прияти и се, о Мати, в Твоей есть силе. Нине ничто же вижу в церкве в самом деле. Канак там преизрадний, зело украшенний, В благолепии своем весма умноженний. Но царских врат от сребра в церквы не видати, Лыхтаров больших сребр[я]ных даст Бог побывати. Церковь течет, окошка за ветхость побыти, В главах и з нижших местех лубками закрити. О ризницы умолчу, числом больш сакосов, Неж в граде Чернегов, ни еден есть таков. Евангелие, обы когда было Подобно Чернеговску, вправду подобало — (Л. 141) Израднейших зде были. А иных не пишу Вещей преизраднейших, имиже украси Бог и Пречиста Дева, як златими класы. Внутрь архиерейский дом много строения, Верху требует большего, як з разорения. На воротех несть драню, тако наметано, Кровле чрез долгое время, не вем, что не дано. Стены каменны стоят, деревом подперти, Як упаднут, то будут комусь уды стерти. Еще в келиах не бех, есть на що смотрети, Ко строению дела много буду мети. Во всех сих к Тебе оце, о Дево, возвожду, Благодать Твою прежну на память привожду. Ты в Свинску пособыла построих толико Каменных келий, не бе обытель, елико Пребывая. А нине зрят не келеи едины: Церковь и колокольня, где бьют годины, Погребы каменние для гостей довольны, Иние суть наверху, а иние дольны. Древянаго строения не лет есть писати, Свободно приходящим строенна взырати. И в Чернегове граде не туне жилося, О Дево, поспешеством Твоим строилося.

От начала так не бе в мимошедши годы, Егде престол Киевский бе з всеми приходы (Л. 141 об.) В власти архиерея Чернегова града; Отъяти протопопы — скорбь, не отрада, Два полка оставленно, а Бог не остави, Пречистая Дева все благоуправи. Малаго не умали, вся блага умножи, О Всепетая Мати, и зде мине приложи Своея благодати, в новом селении Да пребуду в здравии и во спасении. Се писах, возвестых не в величание, Но в Твое, Марие, возвеличание.

Боюся, да не впадну, еже прилучися Двом братом ⁶². Еден от ных денег уклонися, Обретши кучку злата, все скоро прескочи. Иный, зря скочение, обрати там очи, Иде на место оно, обрете громаду Злата, собра в мантию, мне мети прохладу. Едва принесе в вертеп, не яви сих брату, Без меры радостен бе обретенну злату, Немедленно иде в град, купи к строению Израдно нарочито место к селению. Созда манастир красен, ископа студенец, Собра братии много, а сам бе первенец. Всех под началома держа, добре управляя, Маломощным, недужным во всем пособляя. (Л. 142) Неколикое время поживши во граде, З строения веселясь в довольной отраде, Постави игумена, мужа нарочита, В Писании, уставе зело знаменита. ⁶Сам по первому нраву скоро возвратися ⁶, В пустине далечайшей радостне вселися, Благодаря Господу о сем добром деле, Что построи толико в здравии всецеле. А брату укарая, над ним вознесеся, Яко не бе искусен. Но глас принесеся Аггелом невидимом, до него реченний: «О окаянне, бедне, в злобе умноженний! Едно брата твоего мало скончение Лучше в Бога есть, неже твое строение.

а Исправлено, в рукописи: начом.

^{6 6} Написано над строкой.

До смерти лица братня никогда узриши, Неприятна являтся вся, яже твориши. Брат не злато прескочи, богата лакомство, Дастся ему от Бога вечное богатство. Ты постраждешь премного, ничто же успеешь, Что мнишися имети, ни в чом не довлеешь». История сия всем добре известна, Писанию предати и зде суть невместна. Увы ты, Иоанне, увы отверженне, В злобе, неправде, грехах весма умножение. (Л. 142 об.) Представляешь давное свое строение, Погубляешь всячески свое спасение. Помяни дела своя, колико сотворил Зла, живущи в власти, премногих укорил. О тайных что речешь, кий сотворишь ответ, Писати и счисляти воистинну не лет. Тем бездну беззаконий во бездну милости Повергаю, о Боже. О Мати благости, Припадаю к Твоему благоутробию, Ходотайствуй моему непреподобию, Да не постражду равных презревшему брата, Гордостне реченну ради бездельнаго злата. Добре сотвори дело, но зле вознесеся, От братняго лица весма отвержеся И до смерти не узре, аще прощение Восприят от Господа, душе спасение. Воспомянух аз труды не в величание, Божой милости, Деве во возвещение. Буди, славымий Боже, буди и Ти, Мати, Яко тогда, и ныне подай благодати, Елико ми потребно ко пребыванию, Дому архиерейску ко послужению. Всегда глашаю: не мне, не нам, но имени Твоему всесвятому. Да всякой племены, (Л. 143) Узревши Твою милость, на мне изъявленну, Тебе и Матерь Твою всегда прославленну Нарекут. Сих желаю, о сих припадаю, Милостивной помощи себе Вам предаю.

Идох в архиерейский дом по служении, В крестову, з нарочити гостьми, а по вкушении

Мало нечто тамо закоснехом, Благодарение же по сих Богу рехом, Госте преизбраннии в домы отидоша. Кому бе порученно, кельи отверзоша. Аще от камене бяху устроенны,

Благолепия всего весма обнаженны. Радостен всегда творю, еже долженствую, О всем Владыку-Царя аз благодарствую. Як Ему есть угодно, так Он и действует. Последовати наша немощь долженствует Его всесвятой воле, тако изволися. Кто когда от древнейших в сем сопротивися? Яко хощет, и творит з Своим созданием. Кто противу что рек? Его преданием Последствуем радостне и покланяемся, Укоренны бываем и прославляемся. Еда не лет Владыцы, что хощет, творити, В дому Своем вознести и иних смирити? (Л. 143 об.) Зде мне не изг[н]ание и не смирение, По милости монаршой есть прославление. О сих благодарствую, больших ожидаю, Богу и православному царю себе даю. На ных упование мое возлагаю. Тебе, о Поручнице моя, призываю. Безмятежно, о Мати, зде хощу пожити, Трудов, елико мощно, больших приложити. От сна воставши, идох на утрене пение, Выдех отец соборных все благочиние: Почтенны седынами, от лет тридесяти, Ини гараздо меньши, ины двадесяти. З нижайшим мя стретоша вси поклонением, Благолепно и честно з многим смирением. Воистинну велия измена десници Вишняго, Надежен: от слез моих отрутся зеницы. Церковь бо благолепне есть преукрашенна, Певчими израднимы есть преисполненна. Егда достиже литургии пение, Пресладких краснопевцов предста собрание. Яко з древных некто рече: на небе стояти Мняхся, начах усердне Бога прославляти. Толь сладко поют, согласно в далечайшой стране. Путешествующу ми, бе не тако на стане, (Л. 144) Там их проименовах «всезлобны певчики»: В судне не согласнии, як полсти кончики, Скачут, гудут, и шумят, и по вся дни пьяни; Мню, от болести рекох: «О зли, окаянны!» А зде, в соборе, яко аггелы, согласны, Смиренны, кротцы, во всем до зела опасны, От мала до велика чин свой сохраняют, В сладкопении своем Бога прославляют.

Обы и впредь тако бы незменны были, Богу, Деви и Церкви усердно служили. Аще будут таковы, благодать обращут, На земли умножатся и Христа усращут. Утверды, о Христе, во пребывании Добром и неизменном свышше даянии И мене благословы, укрепи зде жити, Изволь благопотребна нужна умножити. Вложи в сердце цареви благочестивому, Царю Петру нашему премилостивому, Да призрит милостивне на обещание, Церкви соборной даст на обновление. Не имеет церковь соборная кровли, Течет и скоро впадет, а мы недовольны, Не зможем сами покрить, отнюдь не возможно, Пещися не отречем, елико нам должно. (Л. 144 об.) Великий государю Петр Алексеевич, В его царства пространна всеистинный дедич, Ваше милостивое слово, православна Монархи государа, паче иных давна В благочестии, славе везде сияюща И всегда милостивне всех призирающа, Повеле мне Сиберский престол восприати, В нем, донеле Господь Бог зволита, пребывати. Помяни, государю, предостойна брата Феодора и царя, честнейша над злата, Во блаженной памяти благословением, Отца своего славна благоволением, Веле церковь строити каменну, ограду Архиереем, зде жившим в нуждах, во отраду. Повели, царю Петре, дать в обновление Дому архиерейска, в прославение Имени монаршаго. Всесмиренно молю, В дальном бытии нозе монаршии объемлю. Молю по милостивом слове призрения, Присланном во Чернегов, зде подаяния. Сих благонадежне вскоре ожидаю, Под монаршии нозе слезен припадаю. Пожалуй, государю, воспомяни слово Свое монарше — в мене як Христово (Л. 145) Неизменно пребудет до моей кончины. Ожидаю милости на всякой годыне,

^а Слово написано над строкой.

ПУБЛИКАЦИИ

Готов Церкви и царю во всем работати, Изволь премилостивый, о царю, прислати.

Всесмиренно молю И нозе объемлю Предостойна царя Петра государя. Призри, милостивый, Благоуветливый, Прийми прошение. Даст Бог спасение Царску величеству, Славну владичеству, Вся блага умножит И к царству приложит Богатство и славу, Увенчает главу По сем земном царстве В горнем владычестве. О сем вси молете И со мною рцете: Да живет царь в веки, А по сем со лики З аггелами славни, Як царие^а давны. Того аз желаю. Себе ожидаю Скора призрения, Помилования. Надежда не смирит, Государь царь призрит, Бедна не оставит, А милость управит. Всем молю, прошу И поклон приношу.

О строении писать слово не довлеет, Вся, списавши подробну, ничто же успеет. Каменных полат много, а негде пожити, Не лет о чернеговских зданиях тужити. (Л. 145 об.) Так Господь благоволи, так царю угодно, Предаю себе во всем радостне, свободно, Быть так, як написанно, а воспять взирати Не лет. И невозможно зде нам пребывати. В архиерейскому дому кто обретается, И киим властелином сей управляется? Преосвященный схимник зде не пребывает, Достохвально в Тюмене Богу работает. Два израднии дьяки: Михаил, Григорий, Самуилович есть первый, Яковлевич вторий. Казночей пребывает во своем здании, В пречестном з прочиими сам пребывании. Но се буды известно: много строения Истязую отвсюду верха селения. Преизрадна полата весма разоренна, Но подперта, до конца стоит не сотренна. Везде опало старо, везде обетшало, В дому архиерейском не так подобало.

⁶ Буква «и» в слове исправлена из буквы «е» более темными чернилами.

Чим сия строити? Казна истощенна, По архиереи як, не вем, оставленна. Дьяки долгу болей тысящи исчисляют, Росходы, вправду, многи прежни изъявляют. Но и о сем Господу аз благодарствую, Милостив ми явися, и впредь молитствую, (Л. 146) По премногих суетствах сподобы зде жити, Себе и Церкви Божой по вся дни служити, В мирном безклопотном сем пребывании Работати в тишине во своем здании. Вначале дом построен на месте прекрасном, Камением огражден всячески опасном; Вне — красна удолия, а наверху боры, Позрети вне з оконца — прекрасние горы. И внутрь безклопотное: нет челобыччиков Чрез все житие здешных, токмо ставлеников — Трех попов, еден дьякон на посвящение. Болей тридесять крат бе служение, И впредь не надеюся множайшим зде быти, Христе Боже, сподобы безпечально жити. Земляных дел никогда не было, не будет, По милости монаршой страпчий сих избудет. Раз предел положенный, того преходити Невозможно никогда, так велят жити. Помещиков несть спорных, доселе не было, Везде монарша земля, так з стара бывало. Прикупити нечого, и зде не ведется, Всяк своим довольствует, иным не печется. В России безпрестанно, в Свинъску, в Чернегове,— Стараго не втерати, а о новом в слове, (Л. 146 об.) Ново купити хощем, стараго не удержим. Зде в упокоении Господа ублажим. О благословенний град преславний Тобольский, Преумноженний в людех весь уизд сиберский! Люде добры, любезны, мнятся благочестны, Являются в беседе и словах не лестны, Щедры и доброхотны на подаяние. Во сведительство мею их приношение, От приизду моего принесли ми косяков Тридесят и множае. Нрав в ных во всех таков: К архиерею никто тощь в ных не приходит, Един другаго и з собою водит. Боже, их благослови, молить ми довлеет, В славе, чести, богатстве всяк з ных да успеет, В домах своих да узрят благ умножение,

До кончини творете мне вспоможение. Портищ много, а деньги никто не принесе, О сем не простираю ни мала словесе. Положил был некто рубль, и того отдано, Понес з собою, к тому болей не видано. И не требуем денег, любвы в всех желаем, Молитвы всеусердны за всех простираем. Правда есть: не без скорбы толик путь прейдохом, Без пития и пищи нигде не седохом, (Л. 147) Везде любовь готова, радостне стретаху, Доброхотне нужная странным приношаху. А в Табольску не тако. Во своя прийдохом, Стыдно рещи — милости в ных не обретохом. Писано к началом: приати да будем, Недостатком скудости всякоя избудем. По далечайшем пути чарки нам не далы, Чим бы покрепитися, в прочих отказали. И доселе милости ни в чем не являют нам И царя Петра указу не исполняют. Без того будем живы и должно терпети, Донеле Господь на нас изволит призрети. Благословенны дьяки по косяку⁶ дали. З любовию до кельи з иними бывали. Пошли, Боже, здравие и нам на чом жити, Ни маленко поскорбех, не хощу тужити. И з собою привезох — будет в долго время. Скудость готов носити, як сладкое бремя. Немного^в бы убытку з казны, что дати, Сподобытися самим Божой благодати, И так им Господь Бог даст благодать и славу, По временном житии вознесет их главу, Во Царствие Небесно во веки прославит, Благоугодно преити вся пути исправит. (Л. 147 об.) Их милостем желаю, сим благодарствую, Сподобы, Боже, зде жить, слезен молитствую. Место красно, израдно, аще небогато, Милостивое слово вменяю над злато. Аще телом отстою, не буду зде лишен, Призрения царскаго не буду удален. Яко Отец Небесный премилостивейший, Тако государь царь Петр, всех предостойнейший,

^а Слово написано над строкой.

Буква «у» в слове исправлена из буквы «и».

в Первая буква «о» в слове исправлена из буквы «е».

Сам весть, ихже требуем, и нас не забудет, Як отец всем прещедрый, на помощь прибудет. Пошлет нам потребна, о сем слезно просим, До стоп ножных монарших поклон зде приносим.

Милосердный царю, Славный государю, Призри на мя, грешна, Во всем безпомошна. Во дальней сей стране И на всяком стане Помощи потщися, Милостив явися. Слово милостиво, Благоуветливо Призва з Чернева. Тещи бе готова Душа моя с телом В здравии всецелом. Недостоин зрети, Лучше бе умрети, Монаршаго лица, Як общаго отца. Но в сем есмь надежен, Живу безмятежен, Еще ожидаю, К Богу припадаю, Монаршую благость. (Л. 148) Изобрести милость, Отложивши бремя, Изобрящу время, Царю поклонюся, Петра наслаждуся Лица явлением. Святаго зрением, Из уст слово речет, Аще и притечет Николико часа. Больш молчу без гласа, Беден пребываю, Зрети уповаю. Не лиши мя, Боже, Сила Твоя може, Что прошу, подаси, Яко веси, спаси. В Табольску настави, Вся пути исправи. Главу прекланяю, Тебе прославляю. Зде жить благоволю, Тебе, Христе, молю: Помощи потщися, О мне умилися, Подаждь призрение, В нуждах снабдение, Аз же возываю, З пророком глашаю:

«Се покой мой во век века, зде грешный вселюся» 63. О предостойнейшем царе Петре помолюся. Государь царь Петр славний да живет во веки, Да хранят его везде аггелские лики, Да работает ему вся тварь с человеки, Да живет здраво всегда на многие веки. Аз по странствии долгом нимало не скорблю, О православном царе безпрестанно молю. (Л. 148 об.) Печаль мя повседневна едина снедает, Яко труд мой без типу долго пребывает 64. Господь мне пособствова много написати, За многи грехи типу не даде предати. Что там написанна, зде делом совершися,

От всех трудов Иоан бедний удалися. О воле Божой писах: таке изволение Божие — з Чернегова зде преселение. Обы книгу о воле Божией узрети, Не печально бы в дальней стране сей умрети. И о подражании Христовом писася Рифмом, елико мощно, таможде скончася. Не изгнание терплю, токмо лишение Свойственных сожития и удаление. Предостойный пастыру Чернегова града, Егоже Бог изберет до Своего стада^а, Призри на прошение, внуши моление, Восприймешь от Бога сам благословение. Оставих премногая у вас⁶ писания, Потщися в тип дати. Готов даяния в Немедленно прислати за иждивение. А святыне вашей за то всем поклонение. В вашу типографию, елико велите, Молю, печатать книги вы благословете. Не моя, ваша будет превелия слава, По земной митре приймет венец ваша глава. (Л. 149) Обрадуйте просяща и не отринете, Труд на иждывение типу восприймете. Сих далече отстоя, всесмиренно молю, О вас молитву, грешний, усердну приемлю. О всесвятая мати, Печерска обытель, От лет четыридесять доселе служитель Твоим повелением. Тебе удалихся, Лет тридесять и един в службах не втрудыхся. Ныне телом отстою, а духе мой с тобою, Не могу прийти к тебе до смерти собою; Далечайше разнствие сих ми возбраняет, Изнеможенна сила мне не пособляет. О всепредывних судеб Твоих, Христе Боже! Что тако сотворенно, ум мой знать не може. Но о сем писах много, лучше есть молчати, Болей непостижимых не испитовати. В прежных послушаниях не по своей воле Приах Свинский монастирь, седох на престоле Послежде в Чернегове, и зде Твоя воля —

а Буква «д» в слове исправлена из буквы «т».

⁶ Далее зачеркнуто: тамо.

В начале слова зачеркнуто: по.

Слово написано другим почерком над строкой.

Последую радостне. Во всем благоволя, Як Ты избрал, вспомагай и мене сохраняй, Потребная подавай, немощна укрепляй. Веси, что на потребу и мне спасению, Твоему предаюся аз управлению. Но прочее не узрю моих родителей Гроба, юности моей мудрых правителей. (Л. 149 об.) От далечайшей страны гроб ваш любызаю, В молитвах многогрешных всегда поминаю, Имеете вы ко Богу дерзновение И место бо пречестно, зде пребывание. Добрие дела ваши всем во мире явны, Милостине ко нищим и всем странным славны. Всякому пришельцу дверь ваша отверзеся, Не имеяй, где жити, в дом ваш воведеся. Но о сих подобает мне всегда молчати, В дальней стране сущу вас в помощь призывати. Молитеся, любезни о мне родители, Да аз буду положен в святой обытели. О преподобны отцы мои наставники, Всегдашнии о мире все молитвенники! Удаленнаго мя от вас не оставляйте. В помощи и молитвах в мене сохраняйте. Вашими приятними везде молитвами Наслаждахся по вся дни изобыльно тмами. Аще же недостоин, грешний, изъявлюся, Положитись в Печерском аз не сподоблюся, Поминаю реченно в вас обещание: Всяк послан з обытели на послушание, Амо же погребется, явится спасенный, Молитвами печерских будет прославленний. На сие надеяся, в всяк день умираю, Упование мое все к вам простираю, (Л. 150) Молю вас всеусердно: по плоти хранете Братию мою, нищих во нуждах снабдете; Чесо они требуют, вы добре се весте, Будите им в помощь, як и прежде бесте. А мене, удаленна, свышше назирайте, К Богу, Богородице мольбы простирайте. Аз на ваши молитвы всегда уповаю, Во мире, в тишине ныне пребываю.

Благонадежен буду и в градуще время

^а Буква «а» в слове исправлена из буквы «ы» более темными чернилами.

Понесу без печали се пресладко бремя. Во всем себе предаю вам в заступление, Буды мине, рабу^а вашему, благословение. О Всесвятая Дево, моя Поручнице, Пути водна, земна везде Помощнице, От уст Твоих Антоный святый слыша слово, Тожде и Феодосий. И мое готово Сердце, хощу к вам прийти и место видети, Всех вас благословити, с вами всегда жити. Аз есм птенец от рая земна — обытели Твоей. В граде Тобольску Твои любители Живут, Ты таяжде. И нине прийды и вселися Сама, подавай помощь, о всех помолися, Даруй мирно житие, здравых всех сохраны, Огради миром Тобольск, вся сиберски страны, Як доселе хранила, и ныне прибуды В помощь. Немощьны уды утверды на труды, (Л. 150 об.) Даждь мы, Твоему рабу, скончать течение Временно, а по смерти в небе селение Восприати сподобы, всеусердно молю, Труд всякий Тебе рады любезно приемлю. Готов за Твое имя святое умрети, Удостой мя любящим зготованна зрети. Сих бо рады труждуся, всегда ожидаю, Благонадежно к Тебе, Дево, припадаю.

Чтущих сия прошуИ поклон приношу.Писавша простете,Неба себе ждете.И не осуждайте,Свышше ожидайтеБлагословенияИ в рай вселения.Во веки там жити,З агтелы служитиВсесвятейшой ТроицыСо древными отцы.

Где есть веселящихся вечно селение, Да будет и мне с вами там водворение. Идеже несть болезны, ни воздыхания, Сподобы, о Христе, там пребывания. По написанию сих Иакова прочтох, Патриарха древняго, и внутр себе рекох: Зде подобие неко во преселении Своем узриши, смотри во разсуждении. Рече Бог Иакову, внуку Авраама:

^а В слове перед буквой «р» зачеркнута буква «г»; буква «б» исправлена из буквы «д».

«Иды в Египет скоро от своего храма, О Иякове, аще стар еси, в седынах, И неизвестен пути, так далече не бывах, (Л. 151) Тамо никому сведом, невооруженный, Незнаем, от всее будешь там пренебреженный. Сих не разсуждай, иды, Аз повелеваю, Аз Господь Бог с тобою везде пребываю^а. Аз есмь Бог Отец твоих, иды, не убойся, В язык велий устрою тя, добре устройся. Аз иду во Египет и буду с тобою, Не оставлю тя до конца, ты будешь со Мною. Аз изведу тя, оттоль возвращающася, Узрю тя в всяком месте прославляющася» ⁶⁵. Разсуди, читателю, се, Яков з пастыра Овца изъявляется, не ищет градара, Доброхотне Божией воле последует И вся повеленная радостне приимует. Яко овца пажити во Египте ищет, Во старости глубочайшей нимало не ропщет. Тем не един в Египет⁶ воскоре восходит, Бога в собою меет, в Египет воводит. Тако Бог ему рече: «Аз иду с тобою. Сохраню в всяком пути тебе Собою». Возглашает Златоуст: что есть блаженнее Мети Бога с собою, несть сих полезнее. И аз, о Боже, воле Твоей последую, Благоугодити Тиг прилежно взыскую. (Л. 151 об.) Скоро услышах слово милостивое, Данно от царя Петра, текох, як на Твое. Немедленно восприах путь сей далечайший, Доброхотне оставых Чернегов сладчайший. Известен, камо иду, незвестен, что буду, В благополучии ли ни там пребуду. На Тебе Бога взирах, Тебе сопутника Надеяхся имети, Тебе Наставника. Твое милосердие мене не остави, В путешествии добре вся пути управи. Достигнути престола без вреда дарова, Совершение пути зело обрадова. Не слышу к Иякову слов, от Тебе реченных:

^а Рядом со строкой по внешнему полю помета: Быт 46.

⁶ Первая буква «е» в слове исправлена из буквы «и».

в В слове буква «а» исправлена из буквы «ъ».

Слово написано над строкой.

ПУБЛИКАЦИИ

«Аз иду с Тобою», — о преблагословенных. Верую Тебе Богу, яко есть со мною, Ибо толика пути не могох собою Прейти. Твое древнее бе обещание: «Аз есмь с вами во вся дни» 66 — сладко речение. Яко убо пребывал со мною во странствии, Сподобыл Тобольска достигнути в здравии. Тако и зде во вся дни со мною пребуды, Утверды и укрепи на полезне труды, Да мною, недостойным, Твое прославытся Всесвятейшее имя, град возвеселится, (Л. 152) Взирая Твое с нами зде пребывание, Потребных изобыльно всех умножение. Больш з апостолом Павлом зде не вопрошаю: «Что велиши творити?»⁶⁷, но сама с ним глашаю: «Овца есмь паствы Твоей» 68. Что хощешь творити, Готов, истинно готов, готов вся сполнити, Ожидая радостне Ти повеления, Надеюся прияти благ иполнения. Облязи с нами, буди даже до вечера, Ты Бог неизменний, Христос днесь, тот и вчера. Еже хощешь, повели, что велишь, помози Сотворити, отложи противны прилозы.

Чудотворной иконы Пречистыя Девы, Ейже вси уды готовы служить, як Христовы, Прочее умолчу, умнимы взыраю Очима, отселе, як з близка, простираю Мольбы. Помилуй, Мати, мене, удаленна Телом токмо не духом, пред Твоим простренна Всепречистым образом, и помилуй грешна. Як в Чернегове, так зде сотвори поспешна В службе Твоей всегдашней и Твоего Сына, От начала жития надеждо едына.

Помозы, о Мати, Елико потребно, (Л. 152 об.) В честь Твою и славу Прошу всесмиренно: Мне заступление, Ты ми крепость, сила, И впредь не оставы, Подаждь благодати, Жити невредно. Прекланяю главу. Буды умноженно Бед избавление. Ты се умножила На стезю наставы,

 $^{^{\}rm a}$ Слово написано другим почерком над строкой; в строке зачеркнуто: «мя».

Ведущу до неба. Не отрещи дати Всегда ожидаю, К сим, что есть потреба, Сколько благодати. К Тебе припадаю.

Як исходих з престола, Тебе поручихся, Зде, в Тобольску, Тобою здравий водворыхся. И во градуще время все упование На Тебе. Мне зде пребывание Во всем благополучно, изобыльно зело, Исправишь на честь Свое всяко мое дело. Многажды усугублях и усугубляю: Благословенна Дево, всегда прославляю До последнего духа в мне испущения. Сподоби грехов тяжких мене прощения, Удали противная вся злоключения, Не удали мене здрава учения. Исполни великаго сердце государя Благодати Своея, предостойна царя. Яко Богом подвижен, изволил писати, Милостивое слово в грамоте прислати. (Л. 153) И ныне не оставит мене удаленна В печалех, старостию к смерти приближенна, На скудость здешню призрит, нужна велит дати. Исполни, Дево, сердце царя благодати. Непрестанно всестрастний о сем возываю, Надежен се приати всегда пребываю. К Тебе, Мати, возвожду мысленны зеницы, Не удали покрова и Своей десницы, Покрий, заступи^а, спаси во вся дни жития, Сподобы мя вечнаго во Царстве бытия; Тамо Тебе прославлю з Отцем, Сыном, Духом, Прийму обетованна делом, а не слухом. Граждане Чернегова, в здравии живете, Множае мене, грешна, лица не узрете. Даруй вам, Христе Боже, пастыра бодренна, В благодати Божией, в любвы умноженна. От мала до велика прошу прощения, Желаю вам от Бога всем благословения.

Буды тако, буды. По силе трудыхся, Ныне оставляю Поминайте труды, Донеле вдалихся. Вас и прославляю

^а Буква «и» в слове исправлена из «ня».

ПУБЛИКАЦИИ

Ко мне бывшу любовь. До самой старости, Донеле спущу дух (Л. 153 об.) Буду се творити Вы тожде творете, Во своем житии, Усердне желаю, Тожде являть готов Последней слабости. И умерщвлю слух, И о вас молити. Вся блага узрете По здешнем бытии. Вас Богу предаю.

ПРИМЕЧАНИЯ

- ¹ 29 июня 1711 г.
- ² Мф 10. 42; Мк 9. 41.
- ³ 1 июля 1711 г.
- ⁴ Реки Белая, Вятка и Сылва притоки реки Чусовой.
- Запороги запорожцы. Речь идет о запорожских казаках, бежавших в Турцию с Карлом XII.
- ⁶ 2 июля 1711 г.
- ⁷ По берегам Чусовой, особенно до впадения в нее реки Койвы, много высоких камней, образующих над рекой отвесные скалы, местами достигающие высоты более 500 м. Камни («бойцы»), вдаваясь в русло реки, представляют опасность для плавания. Всего камней более 90, из них известны: Косой, Винокурный, Бражка, Печка, Горчак, Разбойник и др. К неудобствам судоходства по Чусовой надо отнести также мелководья, подводные камни, острова (около 90), пороги, или переборы (до 70), и каменистый грунт дна, не позволяющий судам становиться на якорь.
- ⁸ Вероятно, 4 июля 1711 г.
- ⁹ Ермак-Камень на реке Чусовой при впадении речки Ермаковки береговая скала высотой более 250 м, сложенная из известняка, с пещерою внутри, с которой предание связывает имя Ермака Тимофеевича († 1584 г.), казачьего атамана, покорителя Сибири. Будто бы он здесь зимовал и спрятал свои сокровища.
- ¹⁰ 2 Kop 4. 16.
- ¹¹ 5 июля 1711 г.
- ¹² 6 июля 1711 г.
- ¹³ Флп 3. 13.
- 14 Ис 1. 19–20; Лев 25. 18–19.
- ¹⁵ 1 Тим 4. 12, 16; 1 Пет 3. 15.
- ¹⁶ 7 июля 1711 г.
- 17 8 июля 1711 г.
- ¹⁸ Анкир якорь.
- ¹⁹ Ин 5. 14.
- ²⁰ 8 июля 1711 г., Память вмч. Прокопия и прав. Прокопия Устюжского, Христа ради юродивого.
- 21 11 июля 1711 г., воспоминание чуда вмц. Евфимии Всехвальной, «имже православие утвердися». Вмц. Евфимия совершила мученический подвиг в Халкидоне в 304 г. В 451 г. в Халкидоне, в церкви, где почивали чудотворные мощи святой, проходили заседания IV Вселенского Собора, на которых формулировался догмат о природе Богочеловека Иисуса Христа, что было необходимо ввиду широко распространившейся ереси монофизитов. После долгих прений стороны не смогли прийти к согласию. Тогда по предложению Константинопольского Патриарха св. Анатолия православные святители и их противники написали исповедания веры и

положили их в гробницу вмц. Евфимии. Через 3 дня Патриарх и император в присутствии Собора открыли ковчег с мощами: свиток с православным исповеданием святая держала в правой руке, а свиток еретический лежал у ее ног.

- ²² 12 июля 1711 г., память мучеников Прокла и Илария, прп. Михаила Малеина.
- ²³ Михаил Федорович (1596–1645 гг.), первый царь из династии Романовых, отец царя Алексея Михайловича (1629–1676 гг.) и дед Петра I.
- ²⁴ Филарет (1553–1633 гг.), Патриарх Московский и всея Руси, отец царя Михаила Федоровича.
- 25 См.: Минея за июль, день 12, память прп. Михаила Малеина.
- ²⁶ Прп. Михаил Малеин был племянником византийского императора Никифора Фоки (963–969 гг.).
- ²⁷ Хлости розги, хлысты.
- ²⁸ В Священном Писании (см.: Притч 13. 25; 23. 13–14; Сир 30. 1).
- ²⁹ Утка Межая правый приток реки Чусовой.
- ³⁰ 10 июля 1711 г., празднование Положения ризы Господа Иисуса Христа в Москве (1625 г.), память прп. Антония Киево-Печерского.
- ³¹ IV Вселенский Собор состоялся в Халкидоне в 451 г.
- 32 13 июля 1711 г., празднование Собора архангела Гавриила.
- 33 6 сентября, память Чуда архистратига Михаила в Колоссаех, т. е. в Хонех Фригийских
- Далматовский Успенский монастырь в городе Далматово Курганской области, на левом берегу реки Исеть. Основан в 1644 г. иноком Далматом (Мокринским), закрыт в начале 1920-х гг., в 1994 г. возвращен Русской Православной Церкви.
- 35 Исаакий (Мокринский) был архимандритом Далматовского Успенского монастыря в 1679–1724 гг.
- ³⁶ 2 Kop 11. 25.
- ³⁷ Деян 27. 41.
- ³⁸ 28 июля 1711 г., праздник в честь Смоленской иконы Божией Матери «Одигитрия».
- ³⁹ 15 июля 1711 г., память равноап. князя Владимира.
- 40 См.: Житие прп. Ефрема Сирина, память 28 января.
- Степан Яковлевич Коровин, московский стольник, вкладчик Далматовского Успенского монастыря.
- Возможно, Акинфий Никитич Демидов (1678–1745 гг.), сын Никиты Демидова, основателя горнозаводской промышленности на Алтае.
- ⁴³ 2 Kop 11. 26.
- ⁴⁴ Батурин город в Черниговской области Украины, на правом берегу реки Сейм.
- ⁴⁵ Александр Данилович Меншиков (1673–1729 гг.), князь, фаворит Петра I, был сослан в Батурин в 1708 г. в связи с изменой гетмана И. Мазепы.
- 46 Филофей (Лещинский), митрополит Тобольский в 1702–1727 гг.
- ⁴⁷ Лудан камка.
- ⁴⁸ Тюмень.
- Копиевы (Копьёвы), представители дворянского рода. Даниил Степанович Копиев, тюменский воевода, был обер-комиссаром в Верхотурье.
- Федор Васильевич Мещерский (1698–1756 гг.), член Военной коллегии и санктпетербургский обер-комендант.
- ⁵¹ Тюменский Свято-Троицкий монастырь, основан в 1616 г. на правом берегу реки Туры. После 1917 г. закрыт, возобновлен в 1995 г.
- ⁵² 6 августа в 1711 г.
- 53 Мф 17. 5; Мк 9. 7; Лк 9. 35.
- ⁵⁴ 12 августа 1711 г.
- ⁵⁵ 14 августа 1711 г.
- ⁵⁶ Тобольский Знаменский монастырь, древнейшая обитель Сибири. Основан на речке Абрамовке в 1596 г. и находился первоначально за Иртышом, близ устья Тобола,

ПУБЛИКАЦИИ

- в 1623 г. был перенесен на берег Иртыша. В 1770 г. в нем была размещена Тобольская духовная семинария. Закрыт в начале 1920-х гг.
- ⁵⁷ Иван Фомич Бибиков, с 1680 г. воевода в Якутске, в 1709 г. был послан Петром I в Тобольск для набора солдат; с 1710 г. воевода тобольский, с 1712 г. тобольский оберкомендант.
- ⁵⁸ Филарет был настоятелем тобольского Знаменского монастыря с 1702 г.
- ⁵⁹ Ефимок русское наименование талера, немецкой монеты, употреблялся в России до XVIII в., достоинство 64 копейки.
- ⁶⁰ Ямполь город в Черниговской губернии на реке Ренке.
- ⁶¹ На Черниговскую кафедру был хиротонисан архимандрит Спасского Новгород-Северского монастыря Антоний (Стаховский; 1671 (1672) — 1740 гг.), в 1721 г. он был переведен в Тобольск.
- ⁶² Пролог, 7 января.
- ⁶³ Пс 131. 14.
- ⁶⁴ Вероятно, имеется в виду сочинение «Илиотропион», изданное в 1714 г., за год до смерти свт. Иоанна.
- ⁶⁵ Быт 46. 2–4.
- 66 Мф 28. 20.
- ⁵⁷ Деян 9. 6.
- ⁶⁸ Пс 78. 13.